


1 4
1548
4



1548
4

炳燭編卷三

對書古今人表良與嘉定李賡芸

轉音相近

務讀如蒙 詩小雅常棣兄弟鬩于牆外禦其務每有
良朋烝也無戎按此以務叶戎務从攷攷又从矛與蒙
通或疑誼當從左傳作禦侮不知侮从每聲每聲之敏
與蒙亦相通

申讀如司 史記留侯世家以良為韓申徒集解徐廣
曰即司徒耳

泥讀如甯 續漢書郡國志方與縣名有泥母亭或曰古

昭和十八年
十二月五日

甯母公羊作甯母

勤讀如期 禮記射義旄期稱道不亂者注旄期或作

旄勤

貉讀如禡 周禮甸祝表貉之祝號杜子春讀貉爲百

爾所思之百書亦或爲禡大司馬有司表貉鄭司農讀

爲禡書亦或爲禡詩大雅皇矣是類是禡

龍讀如遊 楚辭天問篇焉有虯龍負熊以遊此與蹶

融之作蹶由衡從之爲衡由同

史讀如容 漢書古今人表鬼史區師古曰卽鬼容區

也史容聲相近漢書藝文志鬼容區三篇師古曰卽鬼

史區也衡山王賜傳日夜縱史王謀反事如淳曰史讀

曰勇

肥讀如賁 說文施重文作贖漢書地理志東海郡襄

賁應劭曰賁音肥史記黥布傳賁赫徐廣曰賁音肥

禫讀爲導 儀禮士虞禮注禫古文或爲導禮記檀弓

喪大記注禫或作道說文谷部因下木部椌下穴部突

下俱云讀若三年導服之導

東冬與陽庚通

呂氏春秋執一覽變化應求而皆有意因性任物而莫
不宜當彭祖以壽三代以昌五帝以昭神農以鴻鴻與

章當昌韻淮南時則訓繩之爲度也直而不爭備而不窮久而不弊遠而不忘與天合德與神合明所顯則得所惡則亡自古及今不可移匡厥德孔密廣大以容是故上帝以爲物宗以窮容宗與忘明亡匡韻又精神訓以死生爲一化以萬物爲一方同精於太清之本而游於忽區之旁有精而不使有神而不行契大渾之樸而立至清之中中與方旁行韻此毛詩易傳之所無而後世合東冬於陽庚者所藉口也

冬與清通

左傳晉大夫伯宗穀梁作伯尊大戴禮禮三本篇宗事

先祖而寵君師史記禮書作尊先祖而隆君師太元進測以進不中君道隆制于尊讀尊爲宗與中隆韻

之支與歌戈通

左襄二十九年傳欲之而言叛祇見疏也服虔本作祇杜本作多正義曰古人多祇同音論語多見其不知量也

微與文通

听从斤聲說文讀若希左成十三年傳公子欣時公羊昭二十年傳作公子喜時漢書古今人表作制時禮記樂記天地訢合注訢讀爲熹

六書音均表斤聲在十三部希聲在十五部喜聲在

一部似與
古音不合

齊皆與真諄通

大戴禮五帝德篇黃帝幼而慧齊史記五帝本紀作幼而徇齊大戴禮作叡一本作慧齊索隱曰古字假借素問上古天真論昔在黃帝幼而徇齊禮記中庸為能聰明睿知足以有臨也史記趙世家中國者聰明徇智之所居也國策作聰明睿知按說文叡部叡深明也通也从収从目从谷省以芮切古文作睿籀文作睿谷部睿深通川也从占谷虞書曰睿岌澮距川私閏切或作濬古文作濬日部台山間陷泥地讀若沈州以轉切古文

作睿賡芸謂睿睿叡濬濬一字數體許氏分入三部疏矣谷下文古文作睿更復重出恐係後人殺亂當以私潤切為正音故與徇通轉而為以芮切耳叡亦當有濬音故走部趨字讀若紉也

齊與先仙通

爾雅釋地北陵西俞史記趙世家反豎分先俞於趙集解徐廣曰爾雅西俞雁門是正義曰西先聲相近孟子西子蒙不潔趙注西子古之好女西施也戰國策魯仲連謂孟嘗君曰君後室十妃皆衣縞紵食梁肉豈毛廔先施哉文選枚乘七發使先施徵舒陽文段干漢

書趙充國傳先零水經注晉書阮种傳宋書鮮卑吐谷
渾傳魏書薛虎子傳俱作西零

爾雅釋畜疏魏時西卑獻千里馬西卑卽鮮卑

史記貨殖列傳乃用范蠡計然集解徐廣曰計然名研
索隱曰吳越春秋謂之計倪倪之與研是一人聲相近
而亂耳賡芸案此音相通轉也莊子齊物論和之以天
倪釋文班固云天研

真與庚清通

荀子末篇孫卿迫於亂世鮪於嚴刑上無賢主下遇暴
秦禮義不行教化不成仁者紕約天下冥冥行全刺之

諸侯大傾按刑成冥傾皆清青韻字獨秦字爲真韻字
此與易乾象傳以元天刑成天淵韻坤象傳以元生天
韻革象傳以信正韻成命人韻一例

桓寒與歌戈通

說文桂讀若和書禹貢和夷底績鄭康成讀和爲桓漢
書尹賞傳瘞寺門桓東如涪曰縣所治夾兩邊各一桓
陳宋之俗言桓聲如和

周禮大宗伯小宗伯注果讀爲裸大行人注故書裸作
果鄭司農讀裸爲灌攷工記玉人注裸或作裸或作果
說文裸灌祭也从示果聲

史記夏本紀索隱云斟戈氏左傳系本皆云斟灌氏
鼈今讀徒何切然字从單聲詩魯頌駟有驪有駱爾雅
釋畜青驪驎亦當讀如檀

詩四牡嘽嘽駱馬說文作疹疹史記高祖功臣侯者表
縹子紹封鄆如涓引闕駟音多漢書地理志沛郡鄆縣
孟康音多

周禮占夢遂令始難毆疫注故書難或為儼杜子春讀
為難問之難其字當作儼禮記月令命國難天子乃難
命有司大難論語呂覽淮南子皆作儼釋文難戚乃多
反劉依杜乃旦反

番从采聲史記六國年表秦拔我鄙吾索隱云音婆又
音盤伍子胥傳闔閭使太子夫差將兵伐楚取番集解
音普寒反又音婆索隱曰蓋鄱陽也
漢書地理志魯國蕃縣應劭曰音皮按古讀皮如婆儀
禮大射儀兩壺獻酒注獻讀為沙周禮司尊彝用兩獻
尊鄭司農讀獻為犧又鬱齊獻酌注鄭司農讀為儀
詩小雅桑扈受福不那說文引作不儼儼从難聲寒桓
韻也那从井聲侵覃韻也

蒸登與庚清通

左傳敬嬴公羊穀梁皆作頃熊列子湯問篇甘蠅古之

善射者戰國策作更贏虛發而鳥下是熊蠅可借贏也
管子牧民篇見其可也喜之有徵見其不可也惡之有
刑徵刑韻

尤幽與侵覃通

呂覽貴直篇狐援曰殷之鼎陳於周之廷其社蓋於周
之屏其干戚之音在人之游又云其無使齊之大呂陳
之廷無使太公之社蓋之屏無使齊音充人之游此廷
與屏韻音與游韻攷古游字每與沈字潭字通如荀子
勸學篇流魚出聽大戴禮作沈論衡率性篇作潭韓詩
外傳作潛淮南子注作淫說文作鱣一也游轉音為淫

與音字叶儀禮士虞禮中月而禫鄭注禫讀為導古文
禫或為導說文三言讀若三年導服之導史記禮書函
及士大夫大戴禮禮三本函作導游流導尤幽韻字淫
覃音棧侵覃韻字

東冬鍾江有入聲

東冬鍾江一類顧炎武謂無入聲非也案說文禩重文
作禩易蒙童蒙馬融云童猶獨也爾雅釋詁董督正也
童獨董督皆雙聲左傳卜不襲吉襲訓重莊子緣督以
為經司馬彪訓督為中詩頌烈祖醴格無言禮記中庸
引作奏格奏轉為族周禮大司馬三鼓摠鐸鄭司農讀

撫如弄左傳齊之丙歟水經注作丙戎翁从豕聲肯音
苦江切古讀為工而从吉之聲音苦角切餘如穀穀穀穀穀
穀穀穀穀穀穀之類又皆从吉聲而生也充从育省聲
容从谷古讀如浴聲蓋東冬鍾江之入聲也

東 佳皆哈三韻古音

廣韻佳皆哈三韻之字古音本斂後乃轉而侈耳何以
明之如台古音如怡凡胎哀怠殆等音皆當讀如怡或
如怡之上去二聲台本從日聲論語多見闕殆與悔字
韻荀子榮辱篇巨塗則讓小塗則殆雖欲不謹若云不
使殆與使韻也開古音近欺或作闔論衡偶會篇二龍

之祇當效周厲適闔櫝奇怪篇禹禹逆生闔母背而出
開从开聲闔从豈聲也哀古音近衣孝經哭不哀說文
引作悠許君所據古文也來古音如釐詩頌思文貽我
來牟漢書劉向傳引作餽我釐麩儀禮少牢饋食禮來
女孝孫注來讀如釐釐賜也史記陳杞世家平公鬱索
隱曰一作郁釐譙周云名鬱來又攷說苑政理篇尊天
效鬼則日月當時善為刑罰則聖人自來尙賢使能則
官府治時來治皆韻也災災裁裁古皆讀如淄淄
淄也禮記中庸故栽者培之注栽或為茲說苑正諫篇
枚乘曰福生有基禍生有胎納其基絕其胎禍何從來

哉此胎讀怡哉讀菑故與基韻廣韻則截然兩部矣它
 如賚讀理書甘誓子其大賚女史記殷本紀作大理女
 詩大雅既醉釐爾女士毛傳云釐賜也正義以為出釋
 詁今本爾雅釐作賚公羊傳登來之禮記大學鄭注引
 作登戾之六書音均表來聲在第一部之哈類亥古音
 如己詩魏風陟岵陟彼岵兮毛傳云山有草木曰岵說
 文云岵無艸木也爾雅釋山作無艸木岵是亥與己聲
 相近也岵字說亥讀如箕易明夷箕子之明夷釋文劉
 向云今易箕子作亥滋漢書儒林傳趙賓以為箕子明
 夷陰陽氣亡箕子箕子者萬物亥滋也史記律書箕者

言萬物根棋根棋即根亥也漢書五行志孕毓根核師
 古曰核亦亥字也論衡超奇篇無根核之深說文趨讀
 若小兒孩賴之古音如厲春秋昭四年遂滅賴公穀作
 厲釋名臺持也臺字當从屮聲故與持近古人讀臺如
 持也戴之古音如載載之古音如止春秋僖公五年會
 王世子于首止公穀作首戴凡此之類皆古音也

俛

俯俗字也說文作頰重文作俛有無辯方矩二切玉篇
 俛俯俛也說文音俯低頭也亦作頰是玉篇以勉音居
 前也廣韻九麌云頰說文低頭也太史公頰仰字如此

附錄卷三
九
俯上同漢書又作俛今音免二十八獮俛俯俛案詩抑
風谷風黽勉求之文選陸士衡文賦李注引作僨俛攷
工記矢人前弱則俛唐開成石經作勉是俛仰之俛可
讀如勉因得借勉爲俛又按白虎通十一月之時陽氣
冕仰黃泉之下萬物被施前冕而後仰冕仰卽俛仰荀
子非相篇其冠纒其纒禁緩其容簡連楊注纒當爲俛
太向前而低俯也據注釋爲俯此三句有韻當讀如免
蓋古書俛仰俛字或借勉或借冕或借纒可見本當讀
無辨切轉音爲方矩切耳又有借免爲俛者管子小問
篇由由乎茲免何其君子也茲免者言其穗下垂而頽

也錢詹事云古兔免本只一字後來隸變或省去一筆
其說最精惟兔免同物斯免與俯聲近而亦轉爲脫字
論衡道虛篇再言免去皮膚此借免爲脫也免訓脫見
廣雅釋詁廣韻二十八獮皆當作兔免脫雙聲又按麤
媿卽免身之免而皆从兔玉篇亦以麤爲免冤音於袁
切鞮於元於阮二切其重文作鞮此類字皆从狐兔之
兔而皆音近無辨切蓋可知免與免之非二字矣

薄

老子論德章夫禮者忠信之薄而亂之首前識者道之
華而愚之始是以大丈夫處其厚不居其薄處其實不

處其華按薄與華韻首與始韻古讀華如專公羊哀四
年蒲社災穀梁左氏皆作亳社禮記郊特牲薄社北牖
釋文云本又作亳是蒲卽亳之證也

晉

晉卽刃切與進同易曰晉者進也案說文晉从日从至
此徐鼎臣所改當作从日至聲至从二至則从至聲可
知是以鄠字从邑晉聲讀卽移切晉奇字作晉音亦从
二子字

辱

說苑敬慎篇諺曰誠無垢思無辱垢與辱韻案轉音近

媯與肉好之肉一例

駟

駟說文从馬且聲大徐子朗切廣韻在上聲三十七蕩
非也案墨子非命篇上以說王公大人下以駟百姓之
從事此借駟以爲阻攷工記玉人駟琮釋文亦音祖是
駟字當以祖音爲正

鞞

呂氏春秋樂成篇魯人驚誦之曰麇裘而鞞投之無戾
鞞而麇裘投之無郵二句一轉韻也孔叢子陳士義篇
鞞作芾芾說文作市詩召南甘棠蔽芾甘棠作方味切

正與戾韻韉與芾同物冕服謂之芾它服謂之韉麤裘
固宜芾韉字古音亦不與戾叶

葛

說文首音末首部葛目不明也从首从匍匍目數搖也
木空切案此字廣韻莫中切在一東玉篇有莫登莫中
二切而莫登切爲正音應入登韻其字當从目夢省聲

折

禮記檀弓吉事欲其折折爾注折折安舒貌詩云好人
提提釋文折大兮反案說文折从斤斷艸譚長說篆文
作折从手於例當云从手斤聲斤聲故轉爲大兮反猶

折折等字之從斤聲逝誓等字又从折聲也

管子牧民篇持滿者與天安危者與人天與人韻也失
天之度難滿必涸度與涸韻也上下不和難安必危和
與危韻也涸从固聲轉入藥韻廣韻十暮不收禮部韻
略暮部有涸字明故切

敏在廣韻上聲十六軫眉殞切此轉音也敏从每聲每
从母聲本音當無鄙切漢書敘傳不疑膚敏應變當理
又云宣之四子淮南聰敏舅氏遽除幾陷大理皆以敏

韻理

斷

斷在廣韻入聲四覺竹肉切案斷从斤𠄎聲今本無聲字必徐鼎臣所刪也說文鏗酒器也象酒器形此卽毛詩酌以大斗之斗斗爲借字𠄎爲正字既是象形𠄎字當爲建首鏗字金旁後儒所加宜爲重文也說文如鬪字从鬥𠄎聲𠄎字从見𠄎聲讀若兜皆一例老子制惑章夫代司殺者是謂代大匠斷夫代大匠斷者希有不傷手者矣斷與手韻呂氏春秋貴可篇故曰大匠不斲大庖不豆大勇不鬪大兵不寇淮南說林訓略同是斲

之本音當與鬪同竹肉切者其轉音也

愚

列子黃帝篇子其愚我也子其聾我也子其盲我也案愚聾盲三字皆韻愚讀魚容切盲讀若蒙韓詩外傳商容曰吾嘗馮於馬徒欲以伐紂而不能愚也不爭而隱無勇也愚且無勇不足以備乎三公愚勇公皆韻也

待

待从不寺聲古讀如恃韓詩外傳樹木欲茂霜露不使賢士欲成其名二親不待家貧親老不擇官而仕待與使仕韻又云夫樹欲靜而風不止子欲養而親不待待

與止韻是皆讀恃之證廣韻在去聲十九代者轉音也

蚘

廣韻蚘苦堅切又古奚切呂氏春秋季夏紀腐艸化爲蚘高注蚘讀如蹊徑之蹊淮南子時則訓同說文引明堂月令腐艸爲蠲古讀蠲如圭圭聲哇字說文云讀若醫與蹊聲近是假蠲以爲蚘也蚘音古奚切蠲音如圭同在齊韻蚘音苦堅切蠲音古乎切同在先韻

祝

禮記樂記封帝堯之後於祝注祝或爲鑄呂氏春秋慎大覽命封黃帝之後於鑄周禮瘍醫注祝讀如注病之

注淮南叙真訓冶工之鑄器注鑄讀如唾祝之祝按祝本之六切轉音如鑄如注今河南息縣人讀祝如朱說文弮弮呼雞聲之六切而風俗通曰呼雞朱朱皆轉音也

音當

漢書雋不疑傳每行縣錄囚徒還師古曰省錄之知情狀有冤滯與不今云慮囚按慮與錄一聲之轉莊子天地篇無落吾事呂氏春秋長利篇作無慮吾農事落亦轉爲慮也今京師人讀綠如慮漢書百官表諸侯王金璽縶綬如涓曰縶音戾綠也蓋亦與慮聲相近耳

敝

淮南原道訓故兵絕必滅木絕則折革固則裂齒堅於舌而先之敝接滅折裂舌敝韻也敝讀如驚

講

講字為廣韻上聲之第三部讀古項切此轉音也字从菁聲正音當與媯媯觀甯構構邁溝等字同韓非子內儲篇韓王謂樓緩曰寡人欲割河東而講講字从言又云翟璜因請為魏王構字从木戰國策西講於秦注當从媯讀史記韓世家將西購於秦刺客傳北購於單于國策並作講甘茂傳樗里子與魏講罷兵索隱曰鄒氏

云講讀曰媯此从言菁聲之字宜以古候切為正音廣韻五十候不收非也隸釋載童子逢盛碑才亞后橐即戰國秦策之項橐是其例講從菁聲故又轉為較史記作顛

騰

騰从虫朕聲在廣韻十七登騰蛇此正音也詩小雅大田去其螟螣與賊韻蓋借作蟻字

龜

莊子逍遙遊篇宋人有善為不龜手之藥者釋文龜愧悲反徐舉倫反李居危反今吳人讀龜如居因轉為舉

倫反然則龜字讀居追反恐非古音

契

老子任契章有德司契無德司徹按契徹韻也契當讀入聲如挈廣韻契在十六屑徹在十七薛屑薛通也音均表切聲契聲在第十五部術物迄月沒曷末黠鎋薛韻徹字在第十二部質櫛屑韻

泛

泛在廣韻六十梵史記呂后紀自起泛孝惠厄索隱曰泛音捧漢書食貨志大命將泛孟康音方勇反是梵韻轉入宋送用絳韻也

殷

說文烏歸也於機切禮記中庸壹戎衣鄭注衣讀若殷齊人言殷聲如衣今姓有衣者殷之胄康誥燿戎殷卽壹戎衣也呂氏春秋慎大覽湯為天子夏民大說視鄣如夏注鄣讀如衣今兗州人謂殷氏皆曰衣白虎通衣隱也所以隱形春秋季孫意如公羊作隱如莊子齊物論大塊噫氣釋文噫一音蔭皆轉音也意字亦當从心音聲今說文為大徐所刪

丙

周禮太宰以八柄詔王馭羣臣內史掌王之八枋之灋八柄八枋一也儀禮士冠禮加柶面枋士昏禮加勺皆

南枋注並云今文枋作柄春秋隱八年鄭伯使宛來歸
祊公羊穀梁二傳祊皆作邴又隱九年公會齊侯于防
公羊防作邴說文仿籀文作柄是方丙同物宜顧氏炎
武唐韻正以丙為其往切也然從丙聲之字後儒咸讀
兵永反而說文柄重文作棟春秋邴意茲史記齊世家
作秉意茲秉字不得讀為其往切也詩小雅大田秉畀
炎火韓詩作卜畀炎火又彼有遺秉毛傳秉謂之把攷
工記廬人戈秘六尺有六寸注秘猶柄也秉把也秉卜
也皆雙聲也雙聲秉柄若讀其往切則不得轉為卜轉
為把轉為秘矣蓋丙字正音兵永切轉音為其往切說

文丙字从一入口似當从日得聲

令

令字毛詩齊風東方未明與裳韻盧令與仁韻秦風車
鄰與鄰顛韻从令之零衛風定之方中與人田淵千韻
苓邶風簡兮與榛人韻唐風采苓與顛韻是真臻韻字
與庚清韻叶也然令字本音當在庚清韻詩零雨其濛
說文作苓爾雅釋詁霽落也釋文云或作苓釋艸霽大
苦說文作苓漢書李陵傳衛律為丁靈王蘇武傳其冬
丁令盜武牛羊師古曰令音零丁令即上所云丁靈說
文幹司馬相如說作轆六書音均表以令字本音當在真臻韻似拘

末

老子守微章合抱之木生於毫末九層之臺起於累土千里之行始於足下按末土下皆韻也末字當讀上聲如姆而廣韻十姥不收

易

漢書古今人表簡邊師古曰卽簡狄楚辭天問大戴禮帝繫皆作簡狄史記索隱引史舊本又作易淮南墜形訓又作簡翟左僖十七年傳公羊傳易牙賈子胎教大戴禮保傅法言問神論衡譴告自紀文選琴賦北齊書顏之推傳皆作狄牙按說文逖古文作邊惕或作愁白

虎通禮樂篇狄者易也意古人讀易如惕

賁

賁卦之賁今皆讀作彼義切釋文賁李軌府弑反傅氏云賁古斑字王肅符文反案份頒等字與斑音同而皆从分聲分轉音如斑斑轉音如賁然則賁卦賁字亦可讀博昆切也呂氏春秋壹行篇孔子卜易得賁曰不吉子貢曰夫賁亦好矣何謂不吉孔子曰夫白而白黑而黑又何好乎注賁色不純也說苑反質篇載此事則曰賁非正色也白當正白黑當正黑較呂覽文尤明顯蓋賁固色之不一者故亦讀爲斑所謂斑駁是也斑說文

作辨从文辨聲又按賁鼓奔等字皆从鼎聲鼎隸變作奔轉音為博昆切如葩之為贖匪之為分衣之為殷威之為君也說文於鼓部鼓天部奔皆云賁省聲疑徐鼎臣所改繫傳本皆作奔聲

者

荀子大略篇語曰流丸止於甌與流言止於知者丸與言韻與與者韻者讀如諸

背

向背之背蒲昧切在廣韻去聲十八隊後世作借古只作北說文北茈也从二人相背

赧

周赧王之赧今皆讀奴板反案說文赧从赤良聲良柔皮也其音讀如僕人扇切見周本紀索隱此古音也

益

太元增測聞貞增默識內也不增其方徒飾外也木止漸增不可益也要不克可敗也澤庠其容謙虛大也益讀去聲如隘

叢

今在廣韻一東徂紅切他書或徂公切或才公切然非古音也說文叢聚也从萃取聲正音也徂紅等切轉音

也韓非揚權篇主施其法大虎將怯主施其刑大虎自甯法刑狗信虎化為人復反其真欲為其國必伐其聚不伐其聚彼將聚眾欲為其地必適其賜不適其賜亂人求益後人不知何以失此讀借先秦兩漢無協叢韻之文可攷然春秋僖三十三年公伐邾取訾婁公羊作叢可證急言之為叢緩言之為訾婁訾婁猶叢字之反切也尙書叢勝字馬季長訓叢為總勝為小鄭司農訓叢為總聚總與徂公切相近此其轉音之故歟

實

廣韻在四質神質切非本音也說文實富也从宀从貫貫貨貝也先師錢少詹說謂从貫聲古正音讀如滿轉為神質切易蒙象傳行不順也與獨遠實也順以與也上下順也韻泰象傳皆失實也與中心願也中以行願也其命亂也韻此讀為貫聲之確證而轉為神質亦是古音如以實訓日不得讀如滿也又如書秦誓是能容之禮記大學引作實能容之儀禮覲禮伯父實來注今文實作寔此亦不得讀如滿也

文實非真此亦不特韻收歸也

之韻請大率自非實韻容之辨甄雖甄由父實來去今古音收以實隨日不特韻收歸也又收善養善長韻容出其命猶出韻此實為實實之辨蓋而轉為轉實亦且士不則出韻泰象音皆夫實出與中心願出中以音願為轉實也長樂象音不則出與實實出則以與出實實貝出夫韻論少實隨隨入實實古五音實收歸轉

炳燭編卷四

嘉定李賡芸

荀子成相篇

荀子成相全篇用韻之文計分五段每段分章第一段凡十三章第二段凡九章第三段凡十一章第四段凡十一章第五段凡十二章章凡七句首句次句皆三字為韻第三句四字不韻第四句三字韻第五句第六句皆四字不韻第七句三字韻謝墉校栞本謂此篇通遡兩三字句一七字句一四字句又一七字句誤也又只分四段亦誤也每二十四字一易韻或上一章與下

章偶然同韻要亦各章各韻謂願陳辭至何覺時四十
五字中以辭治災時韻而不數先謀二字尤誤也今列
於左而攷之

請成相 世之殃 愚闇愚闇 墮賢良 人主無

賢 如瞽無相 何俛偃 如瞽無相相
字不入韻

請布基 慎聖人 愚而自專 凡事不治 主忌苟

勝 羣臣莫諫 必逢災 人讀如時猶寅轉為
夷振轉為楮與祇

論臣過 反其施 尊主安國 尚賢義 拒諫飾

非 愚而上同 國必禍

曷謂罷 國多私 比周還主 黨與施 遠賢近

讒 忠臣蔽塞 主執移 私微韻與歌戈韻叶此戰
國時音與詩經韻不同

曷謂賢 明君臣 上能尊主 愛下民 主誠聽

之 天下為一 海內賓 愛下民似當作下愛
民乃與上句一例

主之孽 讒人達 賢能遁逃 國乃蹙 愚以重

愚 闇以重闇 成為桀 如此章下十一字斷不能
謂四字一句七字一句也

世之災 如賢能 飛廉知政 任惡來 卑其志

意 大其圍囿 高其臺 能讀奴來切為正音本从
呂聲音轉入蒸登韻三台

武王怒 尚師牧野 紂卒易鄉 啓乃下 武王善

之 封之於宋 立其祖 紂卒易鄉啓乃下釋
其文義不可為一句

世之衰 讒人歸 比干見剖 箕子累 武王誅

之王 呂尚招麾 殷民懷

世之禍 惡賢士 子胥見殺 百里徙 穆公任

之 強配五伯 六卿施 百里徙三字亦不能連子胥四字為一句

世之愚 惡大儒 逆斥不通 孔子拘 展禽三

絀 春申道綴 基畢輸

請牧基 賢者施 堯在萬世 如見之 讒人罔

極 險陂傾側 此之疑

基必施 辨賢罷 文武之道 同伏戲 由之者

治 不由者亂 何疑為 由之下十一字亦顯然為三句

凡成相 辨法方 至治之極 復後王 慎墨季

惠 百家之說 誠不詳 此別為一段不當與上文相連

治復一 修之吉 君子執之 心如結 衆人貳

之 讒夫弃之 形是詬 衆人下十一字亦為三句

水至平 端不傾 心術如此 象聖人 口而有

執 直而用拙 必參天

世無王 窮賢良 暴人芻豢 仁糟糠 禮樂滅

息 聖人隱伏 墨術行 第四句本作仁人糟糠衍人字

治之經 禮與刑 君子以修 百姓甯 明德慎

罰 國家既治 四海平

治之志 後執富 君子誠之 好以待 處之敦

固 有深藏之 能遠思

思乃精 志之榮 好而壹之 神以成 精神相

反 一而不貳 為聖人

治之道 美不老 君子由之 倭以好 下以教

誨子弟 上以事祖考 此章字數相同惟下以下十

成相竭 辭不蹙 君子道之 順以達 宗其賢

良 辨其殃孽 此章闕三字以韻攷之辨其

請成相 道聖王 堯舜尚賢 身辭讓 許由善

卷 重義輕利 行顯明

堯讓賢 以為民 汜利兼愛 德施均 辨治上

下 貴賤有等 明君臣

堯授能 舜遇時 尚賢推德 天下治 雖有賢

聖 適不遇世 孰知之 能讀奴

堯不德 舜不辭 妻以二女 任以事 大人哉

舜 南面而立 萬物備 德讀如直去聲古作惠从

值廣韻

舜授禹 以天下 尚得推賢 不失序 外不避

仇 內不阿親 賢者予

禹勞力 堯有德 干戈不用 三苗服 舉舜

畝 任之天下

身休息

禹勞下本衍心
字力與德韻

得后稷 五穀殖

夔為樂正

鳥獸服

契為司

徒 民知孝弟 尊有德

禹有功 抑下鴻

辟除民害

逐共工

北決九

河 通十二渚 疏三江

禹傅土 平天下

躬親為民

行勞苦

得益泉

陶 橫革直成

為輔

為上闕一字或
輔上闕一字

契予王 生昭明

居于砥石

遷于商

十有四

世 乃有天乙 是成湯

天乙湯 論舉當

身讓下隨

舉牟光

口口口

口 道古賢聖

基必張

道古賢聖上闕
四字或闕在下

口口口 願陳辭

世亂惡善

不此治

隱諱疾

賢 良由姦詐

鮮無災

章首疑脫請
成相三字

患難哉 阪為先

聖知不用

愚者謀

前車已

覆 後未知更

何覺時

先讀為先稽切與哉謀
時韻此亦戰國時音

不覺悟 不知苦

迷惑失指

易上下

中不上

達 蒙掩耳目

塞門戶

門戶塞 大迷惑

悖亂昏蒙

不終極

是非反

易 比周欺上

惡正直

正直惡

心無度

邪枉辟回

失道途

已無郵

人我獨自美 豈無故豈字下本有獨字因上文獨字衍

不知戒 後必有 恨後遂過 不百悔 讒夫多

進 反覆言語 生詐態

人之態 不如備 爭寵疾賢 利惡忌 妒功毀

賢 下斂黨與 上蔽匿匿讀去聲說文从匿之矐重文作昵

上壅蔽 失輔執 任用讒夫 不能制 孰公長

父之難厲王 流於彘之難之字疑有誤

周幽厲 所以敗 不聽規諫 忠是害 嗟我何

人 獨不遇時 當亂世

欲對衷 言不從 恐為子胥 身離凶 進諫不

聽 到而獨鹿 棄之江首句衷字與從凶江韻舊作欲衷對注已誤

觀往事 以自戒 治亂是非 亦可識 口口口

口 託於成相 以喻意託於成相上闕四字

請成相 言治方 君論有五 約以明 君謹守

之 下皆平正 國乃昌

臣下職 莫游食 務本節用 財無極 事業聽

上 莫得相使 一民力

守其職 足衣食 厚薄有等 明爵服 利往叩

上 莫得擅與 孰私得

君恣明 論有常 表儀既設 民知方 進退有

律 莫得貴賤 孰私王

君法儀 禁不為 莫不說教 名不移 修之者

榮 離之者辱 孰它師 古師字不與儀為移叶竊疑當作孰師它它與儀為

移叶修之下十一

刑稱陳 守其銀 下不得用 輕私門 罪禍有

律 莫得輕重 威不分

請牧祺 明有基 主好論議 必善謀 五聽修

領 莫不理續 主執持

聽之經 明其請 參伍明謹 施賞刑 顯者必

得 隱者復顯 民反誠 顯者下十一字明是三句

言有節 稽其實 信誕以分 賞罰必 下不欺

上 皆以情言 明若日

上通利 隱遠至 觀法不法 見不視 耳目既

顯 吏敬法令 莫敢恣

君教出 行有律 吏謹將之 無鉞滑 下不私

請 各以宐口 舍巧拙 各以宐字之上似闕一字或闕在下

臣謹修 君制變 公察善思 論不亂 以治天

下 後世法之 成律貫

老子國字

老子德經修之於身其德乃真修之於家其德乃餘修

之於鄉其德乃長修之於國其德乃豐此八句四易韻
國本邦字與豐協又管子牧民篇毋曰不同生遠者不
聽毋曰不同鄉遠者不行毋曰不同國遠者不從國亦
邦字與從協也漢人避高祖諱改爲國後人不知更正
沿之至今

呂覽斂字

呂氏春秋不屈篇入於門門中有斂陷注斂讀曰脅按
斂脅聲甚遠疑歛之譌

說苑鳴字

說苑說叢篇蒲且修繳鳧雁悲鳴逢蒙撫弓虎豹晨曝

河以委蛇故能遠山以陵遲故能高道以優游故能化
德以純厚故能豪凡四韻鳴字恐是號字之譌

漢書地理志

京兆尹華陰 按宣帝紀本始元年注師古曰三輔郡
皆有都尉如諸郡左輔都尉治高陵右輔都尉治郿京
輔都尉治華陰灌北地理志于左馮翊高陵曰左輔都
尉治于右扶風郿曰右輔都尉治是京兆尹華陰下當
有京輔都尉治五字

南陵

沂水出藍田谷北至霸陵入霸水霸水亦
出藍田谷北入渭師古曰沂音先厯反

按水

經澆水注澆水出南陵縣之藍田谷又引志云澆水北

至霸陵入灞水說文亦云澹水出京兆藍田谷入灞然則志沂字當作澹師古之音非也

右扶風鄠鄠水出東南又有澗水皆北過上林苑入渭按水經渭水注云

沈水又北流注渭亦謂是水為澗水也是澗水一名沈

水

弘農郡丹水水出上雒冢領山東至析入鈞師古曰鈞亦水名也音均按水經丹

水云丹水入于洧酈注亦作洧

析莽曰君亭按水經丹水注引作古亭

河東郡左邑莽曰北亭聞喜故曲沃晉武公自晉陽徙此武帝元鼎六年行過夏名應劭曰

今曲沃也秦改為左邑武帝於此聞南越破改曰聞喜按水經涑水注引司馬

彪曰洮水出聞喜縣故王莽以縣為洮亭也又云漢書

曰漢武帝元鼎六年將幸緱氏至左邑桐鄉聞南越破

以為聞喜縣又云涑水又西南逕左邑縣故城南故曲

沃也晉武公自晉陽徙此秦改為左邑縣春秋傳曰下

國有宗廟謂之國在絳曰下國矣王莽之洮亭也漢書

武帝紀亦稱將幸緱氏至左邑桐鄉聞南越破曰為聞

喜縣師古曰左邑河東之縣也桐鄉其鄉名也據此則

左邑聞喜本為一縣在春秋時為晉之曲沃秦時改為

左邑至漢元鼎又析左邑之桐鄉置聞喜縣而王莽乃

改左邑為洮亭志於左邑下當云故曲沃也晉武公自

晉陽徙此秦改爲左邑莽曰洮亭于聞喜當云故曲沃武帝元鼎六年行過更名應劭曰武帝于此聞南越破改曰聞喜始得其實今據水經注是正但酈以聞喜爲洮亭則亦微誤

平陽應劭曰堯都也按水經汾水注引應劭曰縣在

平河之陽堯舜並都之也蓋舜都平陽古有其說故應劭用之今志注疑有脫文

襄陵有班氏鄉亭按班當爲犇字之誤也水經汾水注云

汾水又南歷襄陵縣故城西晉大夫卻犇之邑也故其地有犇氏鄉亭矣俗本鄉譌作香

河內郡州共故國應劭曰共伯入爲三公者也按河內郡屬縣十八

今止十七傳寫者誤合州與其爲一也水經清水注云

蔡溝水上承州縣北白馬溝東分謂之蔡溝水經又云

沁水又東過周縣北酈注縣故周也春秋左傳隱公十

有一年周以賜鄭公孫段六國時韓宣子徙居之有白

馬溝水注之此卽河內之州縣也周州古通經作周字

故酈以縣故州也釋之傳寫者改注中州字作周則此

注爲贅辭矣若所引左傳以昭公三年爲隱公十一年

韓宣子爲六國人則酈氏之誤也水經注又云重門城

在共縣故城西北二十里漢高帝八年封旅罷師爲共

嚴侯國卽共和之故國也此卽河內之共縣也

河南郡偃師莽曰師成按水經穀水注云穀水又東逕偃

師城南引志云王莽之所謂師氏者也與今本漢志異

潁川郡秦置高帝五年爲韓國六年復故按水經潁水注云潁川郡

漢高帝二年以爲韓國攷諸高帝紀二年使韓太尉韓

信擊韓韓王鄭昌降十一月立韓太尉信爲韓王信傳

亦同然則志中五年當作二年

汝南郡博陽莽曰樂家按水經潁水注作樂嘉

廬江郡雩婁決水北至蓼入淮又有灌水亦北至蓼入決按說文灌水出

廬江雩婁北入淮志稱灌水亦北至蓼入決決字恐是

淮字之譌其曰亦者承上決水入淮言之也水經決水

注引地理志曰決水北注注疑當作至蓼入灌灌水於蓼亦

入決與今本不同要之蓼者爲淮水所逕之地決於此

注灌灌亦於此注淮決旣注淮則決爲淮矣故謂灌入

決可也卽謂灌入淮亦可漢志說文水經注三書雖異

然於水道並不乖背

山陽郡平樂淮水東北至沛入泗按水經泗水注引志云平樂

侯國也泡水所出又引志云泡水自平樂縣東北至沛

入泗說文亦云泡水出山陽平樂東北入泗然則今志

譌泡爲淮譌沛爲沛矣

濟陰郡稅 按說文广部有庇字許君曰从广秝聲沛
陰有庇縣今志作从禾从宅譌也說文無秝字

濟南郡陽丘 按王子侯表有楊丘共侯安作楊丘

泰山郡剛 故闡應劭曰春秋秋取 按哀公春秋八年

夏齊人取謹及闡應注不當刪去齊人又譌夏為秋此

傳寫脫誤也水經汶水注引志云應劭曰春秋經書齊

人取謹及闡亭是也可知應注本作春秋經書齊人取

謹及闡今闡亭是也酈氏所引亦必如是但水經譌脫

更甚故取謹及下又闕闡今二字矣

牟 故國應劭曰附庸也師古曰春秋桓十五年牟人來朝即此也 按水經汶水注云

牟縣古牟國也春秋時牟人朝魯故應劭曰魯附庸也

然則志附庸也上脫一魯字

琅邪郡靈門 壺山涪水所出東北入淮 按水經濰水注引志作入

濰志譌

柜 根艾水東入海 按水經膠水注引志云瑯邪有柜縣柜艾

水出焉東入海志譌柜艾為根艾而又有脫文

橫 故山久台水所出東南至東武入淮 按水經濰水注引志作入濰志

譌

箕 禹貢維水北至昌都入海 按昌都當作都昌

東海郡容丘 祠水東南至下邳入泗 按水經泗水注作桐水

臨淮郡下相應劭曰相水出沛國故加下

按此注文義不明京兆

尹下邳應劭曰秦武公伐邾戎置有上邳故加河東郡

下北屈應劭曰有南故稱北東郡東阿應劭曰有西故

稱東陳留郡外黃張晏曰魏郡有內黃故加外鉅鹿郡

下曲陽師古曰常山有上曲陽故此云下東海郡下邳

臣瓚曰有上邳故曰下邳也雲中郡北與闕駟云廣陵

有輿故此加北菑川國東安平闕駟云博陵有安平故

此加東此當云下相水所出沛國有相縣故此加下斯

與他處一例矣水經睢水注云睢水又東南流逕下相

縣故城南應劭曰下相水出沛國相縣故此加下也據

此足以取證但酈注沛國之下似脫一有字

蜀郡青衣禹貢蒙山谿大渡水東南至汶江外南至南

安東入江按說文云泝水出蜀汶江徼外東南入江从水

我聲錢詹事據說文以改漢志江聲據漢志以改說文

攷水經江水注云蒙水即大渡水也水發蒙谿東南流

與泝水合水出徼外逕汶江道呂忱曰泝水出蜀許慎

以為泝水也从水我聲與今本說文同師古承譌而音

之非也至戴侗六書故泝泝兩收尤謬

捷為郡符溫水南至按說文曰溫水出捷為涪南入

黔水捷為無涪縣乃符字之譌黠與黔同聲假借班許

合也水經延江水注亦云溫水一日煥水出犍為符縣

隴西郡應劭曰有隴坻在其西也師古曰此郡在隴之西故曰隴西按郡既在隴

之西則隴當在郡之東矣烏得云有隴坻在其西哉西

者東之譌也水經河水注引應說曰有隴坻在其東故

曰隴西

西按水經漾水注云西漢水又西南逕宕備戍南右

則鹽官水入焉水北有鹽官在嶓冢西五十許里故地

理志云西縣有鹽官是也按今志無鹽官文脫

代郡平舒祁夷水北至桑乾入沽按水經灤水注云祁夷水又

北逕桑乾故城東而北流注於灤水地理志云祁夷水

出平舒縣北至桑乾入灤是也據此則今志入沽沽字乃灤字之譌

上谷郡軍都溫餘水東至路南入浴按水經灤餘水注引志云

灤餘水自軍都縣東至潞南入沽疑今志注有譌

漁陽郡莽曰得漁漁陽莽曰得漁路莽曰通潞亭按水經鮑邱

水注云漁陽秦始皇二十二年置王莽夏名通路縣曰

得漁又云潞縣王莽之通路亭也與志異

白檀洹水出北蠻夷師古曰洹音呼鳴反按水經注有濡水酈引志云

濡水出縣北蠻夷中據此則洹字當作濡幽州有兩濡

水一出故安一出白檀

右北平郡石成 按水經遼水注引作石城

遼西郡肥如 應劭曰肥子奔燕燕封於此也 按水經濡水注引應劭

曰晉滅肥肥子奔燕燕封於此今志注脫晉滅肥字

交趾郡蒼冷縣其字从米从鹿卽麋鹿字而倒之師古

音麋零牂柯郡西隨縣麋水西受徼外東至麋伶入尙

龍谿都夢縣壺水東南至麋伶入尙龍谿益州郡來唯

縣勞水出徼外東至麋伶入南海其麋冷麋字又从麻

从米水經及注則又作麋字矣要之皆傳寫之誤也說

文米部有菴字云潰米也 疑是潰米之誤 从米尼聲交趾有菴

冷縣班在許前其書必作菴字乃一誤而蒼再誤而爲

麋麋矣

廣平國 武帝征和二年置爲平于國宣帝五鳳二年復故莽曰富昌屬冀州 按此文有

脫誤攷廣平本趙國秦爲鉅鹿郡漢景帝中元年改名

廣平武帝征和二年以封趙敬肅王子偃爲平于王國

宣帝五鳳二年偃子繆王元坐殺謁者會薨不得代國

除復爲廣平郡至哀帝建平三年正月又封廣德夷王

之弟廣漢爲廣平王據此則當云故趙秦置鉅鹿郡景

帝中元年夏爲廣平郡武帝征和二年置爲平于國宣

帝五鳳二年復爲廣平郡哀帝建平三年夏爲國始爲

詳覈平于之廢置沿革見於武帝紀及諸侯王表景十

三王傳廣平王之封亦見諸侯王表景十三王傳暨哀帝紀而廣平之為秦鉅鹿見水經濁漳水注惟酈注云征和三年封趙敬肅王子為廣平侯國則誤以二為三以平于為廣平以王為侯其攷據疎矣諸侯王表景十三王傳俱作平于志作平于譌也酷吏傳王溫舒曾為廣平都尉當在未建平干之前若班稱以西河屬國都尉遷廣平相此廣漢出封之後也功臣表辭歐封廣平侯景帝時侯澤有罪免則又臨淮郡之廣平也

菑川國劇

應劭曰故肥國今肥亭是

按水經巨洋水注云劇縣古

紀國也春秋莊公四年紀侯不能下齊以與弟季大去

其國違齊難也後改曰劇據此則應注二肥字俱當作紀菑川國尚有東安平縣注孟康曰紀季以鄗入于齊今鄗亭是也

魯國蕃

應劭曰邾國也

按水經泗水注云蕃縣應劭曰縣古

小邾邑也攷志魯國有騶縣班云故邾國曹姓邾地小不得跨二縣境則蕃為小邾無疑志自脫小字耳其稱邑者或酈氏之誤也

長沙國臨湘

莽曰撫陸

按水經湘水注作撫陸

收酈按長沙國屬縣十三今止十二傳寫者誤合收與酈為一也收當為攸桂陽郡耒陽縣春山春水所出

北至鄴入湖水經云湘水又東北過鄴縣西承水從東南來注之鄴注云武水至重安縣注於承水至湘東臨承縣北東注於湘臨承即故鄴縣也又云耒水又北過鄴縣東說文鄴長沙縣此鄴為一縣之證也又云沘水西北過攸縣南鄴注云漢武帝元朔四年封長沙定王子則為攸與侯即地理志所謂攸縣者也此攸為一縣之證也

承陽

應劭曰承水之陽

按志引應說在某水之陽者甚多此必曰在承水之陽傳寫脫去耳

漢書曹窋行御史大夫誤

漢書高后紀平陽侯窋行御史大夫事按此班氏措語之誤當云御史大夫平陽侯窋也蓋如趙廣漢以京輔都尉行京兆事韓安國以御史大夫行丞相事任宏以執金吾守大鴻臚少府忠行廷尉事之等此以它官暫攝未經正授之語若曹窋者據本傳及公卿表皆言窋為御史大夫不云行大夫事又任敖傳云初任敖免平陽侯曹窋代敖為御史大夫高后崩與大臣共誅諸呂後坐事免以淮南相張蒼為御史大夫可見窋真授大夫非以列侯行大夫事也

舊唐書順宗紀誤

舊唐書順宗紀永貞元年八月壬寅貶右前作散騎常

侍王伾為開州司馬丁居晦翰林學士承旨壁記作司戶誤前戶部侍郎

度支鹽鐵轉運使王叔文為開州司戶按是年二月壬

寅王叔文以前司功為翰林待詔為起居舍人充翰林

學士三月戊子為度支鹽鐵轉運使副五月辛卯遷為

戶部侍郎皆依前充翰林學士而以戶部侍郎潘孟陽

為度支鹽鐵轉運使副而叔文旋丁憂其貶也以前戶

部侍郎貶非以度支鹽鐵使副貶也此史所不照處

鄭綱傳駁文夫平國...

唐時翰林院學士無單稱翰林者在翰林待詔之人

非止學士也是以史書或云召為翰林學士或云召入

翰林為學士或云召充翰林學士以其立言當如此也

惟鄭綱傳云無幾擢為翰林此史之不檢所謂駁文也

又云綱子祇德祇德子顥登進士第結綬宏文館校書

結綬二字乃當時誌傳儷體之文史家仍未改亦非

體也舊唐書屢用之而於此傳最不稱攷司馬溫公資

治通鑑祇德為江西觀察使時嘗以其子顥尚主通顯

固求散地改太子賓客分司鄭顥以戶部侍郎判戶部

而營求作相甚切祇德予之書曰聞汝已判戶部是吾

必死之年又聞欲求宰相是吾必死之日顥懼累表辭

劇務改祕書監祇德後又爲浙東觀察使表甫亂不能平徵爲太子賓客此皆見於通鑑而史不之及若新書鄭綱傳并不見祇德之名僅於世系表載之云祇德兵部尙書據通鑑所載祇德之謹畏顛之改過在唐人中皆可稱也

新唐書杜審權傳誤

新唐書杜審權傳審權清重寡言性長厚居翰林最久終不漏禁中近語在方鎮按丁居晦學士承旨壁記審權以大中十二年入翰林充學士十三年卽拜相于宣宗朝諸學士中最不久傳語不諱

韋表微傳誤

新唐書韋表微傳俄爲翰林學士是時李紳忤宰相貶端州龐嚴蔣防皆謫去學士缺人人爭薦宰相所善者表微獨薦韋處厚人服其公進知制誥後與處厚議增選學士復薦路隋處厚以諸父事表微因曰隋位崇入且居翁右奈何按韋表微以長慶二年壬寅二月充內職而處厚先於元和十五年庚子二月入路隋又與處厚同日充內職至李紳以三年癸卯二月出院蔣防龐嚴之貶更在四年甲辰二月此大誤也

權文公集序楊嗣復結銜

近年都下公卿新刊唐權文公集簡首有楊嗣復序結
銜題銀青光祿大夫充集賢殿大學士案此展轉刪削
不全之銜最可笑者也唐宋人題銜階官勳爵邑賜無
不備列攷兩書志開元十三年改麗正修書院爲集賢
殿書院宰相一人爲學士知院事至德二年置大學士
又云唐學士宏文集賢分隸中書門下省蓋此二學士
無品秩而門下相例領宏文中書例領集賢此一定之
制新書宰相表嗣復於開成三年正月以戶部尙書諸
道鹽鐵轉運使除同中書門下平章事九月爲中書侍
郎此其後來所以充集賢殿大學士也蓋初相亦不遽

兼大學士唐表可攷據唐大詔令載嗣復拜相制前云
正議大夫守戶部尙書上柱國宏農郡開國伯食邑七
百戶賜紫金魚袋後云可守本官同中書門下平章事
勳賜如故蓋正議階正四品上故金紫必賜而後服迨
晉銀青階從三品或在晉中書侍郎時而旋充集賢殿
大學士但傳表均無可攷矣嗣後進門下侍郎在四年
舊傳謂嗣復拜相後晉階金紫庸或有之謂拜相後始
封宏農伯則亦誤

唐大詔令伐默啜制誤

唐大詔令有景龍四年五月十五日命呂休璟等北伐

制蓋伐突厥默啜制中有金山道行軍大總管右武衛
 大將軍攝右臺大夫同中書門下三品上柱國韓國公
 張仁直銜名攷之舊唐書張仁愿仁愿即傳神龍二年
 拜左屯衛大將軍三年攝御史大夫伐沙吒忠義為朔
 方軍總管景龍二年拜左衛大將軍同中書門下三品
 累封韓國公春還朝秋復督軍備邊尋加鎮軍將軍睿
 宗即位以老致仕又攷中宗紀神龍二年十二月突厥
 默啜寇靈州鳴沙縣靈武軍大總管沙吒忠義逆擊之
 敗績死者三萬人三年正月以默啜寇邊募猛士武藝
 超絕者各令自舉內外羣官各進破突厥之策五月左

屯衛大將軍兼檢校路州長史張仁直為朔州大總管
 以備突厥九月改元景龍景龍元年即神龍元年 次年三月朔方
 道大總管張仁直築受降城于河上七月左屯衛大將
 軍攝右御史大夫臺朔方道行臺當是大總管韓國公
 張仁直同中書門下三品三年八月上親送朔方軍總
 管韓國公張仁直於通化門外製序賦詩至四年五月
 紀無遣將北伐之事通鑑大略相同其六月中宗被鳩
 矣豈草制後不果行歟又仁直未嘗為金山道行軍大
 總管當是朔方道因制中有金山道行軍大總管北庭
 副都護敦虔謹因而致誤耳

金石萃編苻璘碑跋誤

王氏昶金石萃編苻璘碑跋謂柳公權傳有遷諫議大夫之文而書碑結銜稱朝議大夫碑傳不同按王說非也諫議大夫者職事官屬門下省朝議大夫者散官正第五品下階亦曰階官二者迥然不同不可溷而一之也按誠懸書苻璘碑時結銜稱朝議大夫守尙書工部侍郎在後之書也書馮宿碑時結銜稱朝議大夫守諫議大夫在前之書也其不同如是誠懸以開成二年四月由中書舍人改諫議大夫三年九月遷工部侍郎加承旨後會昌元年書元祕塔碑結銜稱正議大夫守散騎常侍充集賢殿學士兼判院事正議大夫者亦階官正第四品上階也

關中金石記馮宿碑跋誤

畢氏沅關中金石記馮宿碑跋謂馮宿官終吏部非也按宿終于劔南東川節度副大使之任副大使者唐制諸王拜節度大使者不之鎮而以副大使知節度事宿階至銀青光祿大夫官至檢校禮部尙書御史大夫勳至上柱國爵至長樂縣開國公食邑一千五百戶而節度副大使爲差遣若吏部尙書則其贈官生時未任此官也

潛研堂金石文字跋尾誤字

錢詹事曹全碑跋尾云予以四分術推之是歲入庚子
部四十一年積月五百有七閏餘三積日十萬四千九
百七十二小餘一百三十三天正壬申朔賡芸按閏餘
三當作閏餘二積日十萬四千當作積日一萬四千此
寫者之誤非推者之誤也何以明之置章月二百三十
五乘四十一九千六百三十五又以章法十九除之得
五百零七爲積月餘閏非三也以部日二萬七千七百
五十九乘積月得一千四百零七萬三千八百一十三
又以部月九百四十除之得一萬四千九百七十二爲

積日

非十萬

不盡一百三十二爲小餘又以六十除積日

得數弃之不盡三十二爲大餘數從庚子起筭外得天
正壬申朔又唐虞公溫彥博碑跋尾云歐陽信本借遂
爲逮此卻不然率夏作逮字只是一直短耳其作彳不
作彳猶今人寫隸字作彳也

宋高宗孝宗生日誤

宋高宗以徽宗大觀元年五月乙巳生宮中卽位後以
五月廿一日爲天申節按是年四月丁巳朔小建五月
丙戌朔則乙巳乃廿日非廿一日也宋史紀高宗以建
炎元年五月庚寅朔卽位癸卯天申節罷百官上壽夫

朔日庚寅則癸卯乃十四日非廿日廿日是已酉此誤
又孝宗隆興元年以十月戊寅爲會慶節是戊午朔則
戊寅乃廿一日非廿二日而會慶節之爲廿二日見周
益公年譜

宋瀛國公生日誤

宋瀛國公以度宗咸淳六年九月二十八日生是年八
月十月皆戊辰朔則九月當是戊戌朔二十八日爲乙
丑宋史本紀作已丑誤

甯化縣李忠定公祠石刻

嘉慶十八年十月廿有八日行縣過甯化邑人伊秉綬
偕至南郊謁宋李忠定祠祠東壁有石刻云不愁芒屨
長南謫滿願靈旗助北征醉徹一椀揩淚眼烟雲何處
是三京跋云舊歲新皇光嗣寶祿予被命拜相獻恢復
中原之策上不采用兩閱月予以觀文殿學士出知潭
州今改洪州復又改福州自洪抵吉贛來福道甯化行
倦憇草倉祠下因拜神坐閒思憶二帝有感作一絕寫
懷兼寓行蹤云時大宋紹興二年壬子夏五月吉日金
紫光祿大夫平章政事樵川李某書賡芸讀而疑之既
旋郡檢宋史及公弟綸所撰公行狀攷之乃知其果僞
也爰爲之辨曰公以建炎元年丁未六月一日除正議

大夫尙書右僕射兼中書侍郎封隴西郡開國公六日轉正奉大夫進封開國公兼充御營使八月五日轉銀青光祿大夫尙書右僕射兼門下侍郎是公拜相誠然在高宗卽位之初但至紹興二年已閱六載似未可以爲舊歲也八月十八日公罷相計在政地七十餘日亦不止兩閱月公旣罷相除觀文殿大學士提舉杭州洞霄宮是公罷相卽予祠無知潭州之命且大學士非學士當時所稱爲大觀文者是也九月公行次鎮江府又被讒落職以宮祠令鄂州居住落職者落去大觀文宋制自觀文殿大學士以下至諸閣待制謂之貼職亦曰

職名亦單稱職也二年戊申十月以謫降官不許同住一州移公澧州十一月復爲人論列謫單州團練副使萬安軍安置三年己酉行次瓊管三日德音放還任便居住四年庚戌七月復銀青階明年辛亥改元紹興三月又提舉杭州洞霄宮九月復資政殿大學士此公在欽宗時所除職名也二年壬子二月八日除觀文殿學士充荆湖廣南路宣撫使兼知潭州公辭免四月七日内侍于蓋傳宣撫問敦迫上道密院差任仕安兵三千人以廿四日假福州貢院開司五月六日啟行則公之潭州歲月雖與壁記日月頗合朕起于奉祠初非由洪

改福且公從未知福州其知洪州亦尙在五年乙卯之十月也由洪之福不當取道吉贛又廿二年始改虔州爲贛州是時不應有贛之稱唐宋宰相有同平章事無平章政事自元豐五年改官制後直至建炎二年宰相繫銜無平章之稱迨建炎三年四月始復令左右兩僕射皆帶同中書門下平章事而改門下中書兩侍郎爲參知政事則正在公遷謫之時所題金紫等十字殊謬况元年已詔寄祿官依元祐法分左右豈公司于二年署銜而不遵惟公是時寄祿官止於銀青其轉左金紫光祿大夫則尙在七年四月十六日宋人所到之處每有題名刻於山石有日者有不日者而從無吉日之稱公自拜相至知潭州中遭讒謗非一次又嘗南竄渡海壁記蓋無一合者公終於福州葬於福州似從瓊海北還卽移家於福故帥潭之日自福州開司就道其途出甯化者當由袁州入長沙再公之行蹤庸或曾至甯化而刊壁之記出於後人之依託固自顯然行狀謂公政和二年上舍及第而史謂登政和二年進士則本傳之誤蓋宋時科目最多進士上舍居其二每致譌舛如李士美邦彥本上舍狀元而王明清揮麈前錄亦誤以爲進士狀元是其證也

唐節度軍號

唐初兵之戍邊者大曰軍如平盧軍橫海軍天雄軍之等是也其官曰某軍使如天德軍使江甯軍使餘杭軍使之等是也自睿宗景雲二年始置節度使至玄宗開元時已有八九鎮安史亂後所置益多或以道名如隴右劔南之等是也或以州名如邠甯汴滑之等是也厥後又有軍額之賜然用地名者少以嘉名者多每每更改或易帥則去之茲取唐書方鎮表所載羅列於左以前後為次覈以紀傳並以資治通鑑訂焉

平盧 開元七年治營州

天兵 開元八年當治太原 秋并州長史天兵節度大使張說

朔方 開元九年是歲置朔方軍節度使領單于都護府夏鹽等六州定遠安豐二年三受降城

興平 至德元載治上洛郡

振武 乾元元年領鎮北大都護府麟勝二州

鎮國 上元二年治華州亦曰關內節度

成德 寶應元年治恆州王溥唐會要鎮州節度使大曆十四年四月名曰成德

昭義 大曆元年治相州至中和三年有兩昭義一治邢州一治潞州

永平 大曆七年賜滑亳節度使號貞元元年更號

淮甯 大曆十四年賜號淮甯軍尋號申光蔡

鎮海 建中元年賜浙江東西二道節度使號治潤州貞元三年罷會要六月以團練為節度尋改軍

宣武 建中二年賜宋毫節度使號治宋州 會要
宋穎毫節度建中三年二月二日名其軍曰

義武 建中三年置 按罷成德軍而析其
所領之易定二州置也 會要五月

保義 建中四年賜興鳳隴節
度使號貞元三年罷

奉義 建中四年以
隴州置尋廢

保甯 興元元年賜河東節度
號貞元三年復為河東

奉誠 興元元年以同
州置當年罷

義成 貞元元年更永平
號 會要四月

橫海 貞元三年置領滄景治滄州大和三
年罷 會要貞元二年二月改淮西

忠武 貞元十年賜陳許節度號
會要貞元二十年四月

彰義 貞元十四年賜申光蔡節度號元
和十二年改淮西 會要正月

奉義 貞元十九年賜安黃節度號
元和元年罷 會要二月

武昌 元和元年升鄂岳觀察使
為武昌軍節度使五年罷

保義 元和元年升隴右經畧
為節度賜號尋復舊名

武甯 元和元年置領徐泗濠治徐州 會要貞元二
十一年三月名徐州軍咸通四年四月降為支

鎮海 元和二年升浙江西道都團練觀
察使為鎮海軍節度使四年廢

保信 元和四年置領德棣二州
元和十五年罷 會要五月

天平 元和十五年李師道以十二州分三節度馬總為
軍天平

保義

大和元年升晉慈觀察使

義昌

大和五年賜齊德滄節度號

鎮海

大和九年復置數日廢

歸義

會昌二年升天德軍使為歸義軍節度使尋廢

武昌

大中元年復置三年罷

武昌

大中四年復置六年罷

歸義

大中五年置歸義軍節度使領沙瓜甘肅鄭伊

州

使張義潮以河湟十一州歸十一月置軍沙州

州以義潮為節度觀察使會要作八月

鎮海

大中十

鎮海

咸通三年廢

天雄

咸通五年升秦成兩州經畧天雄軍使為

鎮南

咸通六年升江南西道團練觀察使為鎮南軍

淨海

咸通七年升安南都護為淨海軍節度

定邊

咸通八年置定邊軍節度觀察處置統押近界

蜀

以鳳翔少尹李師望之奏置於邛州即師

望

為嘉州刺史充節度使十一

年

正月癸酉廢以七州歸西州

大同

咸通十年十月嘉朱邪赤心之功置大同軍

練使

感化

咸通十一年升徐泗觀察使為感化軍節度使
光化元年罷舊紀其徐州都團練使改為感
化軍節度徐宿淮泗等州觀察處置等使
通鑑十一月丁卯復以徐州為感化軍節度使

會要十

鎮海

咸通十一年復置景福二年徙治杭州
光化元年二月錢鏐請徙鎮海軍於杭州

泰甯

乾符三年正月賜充海號

定難

中和二年賜夏州節度
號會要元年十二月

保大

中和二年賜渭北節度號
三月賜鄜坊號渭北即鄜坊

鎮南

中和二年五月復置以湖南觀察使閔勗為使
因高安人鍾傳逐江西觀察使高茂卿據洪州
也勗辭不行

保塞

中和二年以延州置光化元年更名五月置
以授保大行軍司馬延州刺史李孝恭賞破黃
巢復京城之功

奉國

中和二年升蔡州防禦為奉國軍節度使
元為防禦使復光
忠武監軍也

代北

雁門節度號

欽化

中和三年升湖南觀察使為欽化軍節度使
光啟元年改名八月置觀察閔勗為使

義勝

中和三年升浙江東道觀察使為義勝軍節度
使光啟三年改名十二月以劉漢宏為使

昭義

中和四年八月李克用請以弟克修為昭義軍
節度使由是昭義分為二鎮澤潞為一邢洛慈

武安

光啟元年改欽化軍為武安軍
二年七月更以授衡州刺史周岳

武定 光啟元年

感義 光啟二年升興鳳二州防禦使為感義軍節度使乾甯四年改名 正月置以楊晟為使守散

護國 光啟元年賜河中節度使號

靜難 光啟元年賜邠甯節度使號 中和四年十二月

宣義 光啟二年改義成軍節度使號朱全忠請改以避其父名

感義 光啟二年

佑國 光啟三年升東畿觀察兼防遏使為佑國軍節度使光化三年復舊 文德元年六月置於河

忠義 文德元年賜山南東道號天祐三年復舊名五月趙德諱以山南東道降 隸隸隸朱全忠

請為蔡州四面行營一 副都統乃置此軍

威勝 光啟三年改義勝軍為威勝

永平 文德元年置領邛蜀黎雅四州治邛州大順元年廢 十二月丁亥置以授王建大順二年十月癸未廢以王建為

威戎 文德元年升彭州防禦使為威戎軍節度使領西川節度使其志也 十二月田令孜假

忠國 文德元年置治湖州 乾甯三年十一月湖州刺史李師悅求旌節乃置忠國軍告身旌節未

保義 龍紀元年賜陝號 龍紀元年四月

鎮南 龍紀元年復升江南西道觀察使為鎮南軍節度使

宣義

大順元年六月更義成名

武泰

大順元年升黔州觀察使為武泰州

甯國

景福元年升宣歙團練使為甯國軍節度使天復三年徙治州

忠國

賜號以楊行密為使景福二年九月以鏐為鎮海軍節度升武勝防禦也

威勝

乾甯元年置

匡國

乾甯二年以同州置防禦李繼瑋為節度注王行約已為匡國節度

彰義

乾甯元年賜涇原號通

清海

乾甯元年賜嶺南東道節度使號七月以薛充鹽鐵轉運使俟反正日

赴鎮時昭宗駐石門鎮

甯國

乾甯元年升容管觀察使為甯國軍節度使

鎮東

乾甯三年十月錢鏐請兼浙東乃以為鎮東

昭武

乾甯四年更感義軍名三月更名昭武利州以前靜難節度使蘇文建為使

武信

乾甯四年置領遂合昌渝瀘五州光化元年五月甲午置于遂州王建之志也

秦甯

乾甯四年

甯遠

乾甯四年六月置甯遠於容州以李克用大將容管觀察蓋寓為節度

威武

乾甯四年升福建都團練觀察處置使為威武軍節度使三年九月庚申升以觀察使王潮為節度按梁克家瀆熙

昭信

光化元年升昭信軍防禦使為節度治金州

甯塞

光化元年更保塞軍名又更衛國

衛國光化元年更甯塞名

鎮國光化元年以華州置兼興德尹天祐三年廢閏十二月

武貞光化元年置領澧朗淑三州治澧州

靜江光化二年升桂管經略使為靜江軍節度使九月升以經略使劉士政節度

保勝天復元年升隴州防禦使為保勝軍節度號

佑國天祐元年以京畿置領金商二州二年三月朱全忠奏以長安為佑國軍以韓建為使

天雄天祐元年以華州隸匡國

戎昭天祐二年賜昭信軍號

武順天祐二年更成德號十月以朱全忠父名誠也

義勝天祐三年置領鼎耀二州

武安天祐二年更戎昭號

武順天祐二年更成德號十月以朱全忠父名誠也

義勝天祐三年置領鼎耀二州

大學士

唐制門下省有門下侍郎同中書門下平章事所謂門下相也例兼宏文崇元館大學士中書省有中書侍郎同中書門下平章事所謂中書相也例兼集賢殿崇文館大學士宋初之制首相兼昭文館大學士時人稱昭文相公次相兼集賢殿大學士時人稱集賢相公後來以大學士為宰相之稱權輿於此

大明文華殿大學士

欽定明史職官志洪武十五年倣宋制置華蓋殿武英殿文淵閣東閣諸大學士又置文華殿大學士以輔導太子按洪武十五年徵耆儒鮑恂全思誠余詮張長年四人至俱命爲文華殿大學士職官志洪熙元年權謹以孝行由光祿丞授文華殿大學士九月以通政司左參議致仕餘大學士無授文華殿者

臺與諫不同

臺是臺諫是諫其官不同御史大夫御史中丞侍御史殿中侍御史監察御史爲臺官主糾彈左右散騎常侍左右諫議大夫司諫左右正言左右補闕拾遺爲諫官左屬門下省右屬中書省唐爲補闕拾遺宋改司諫正言主諫諍至前明始不設諫官也白氏長慶集有哭孔戡詩云或望居諫司有事戡必言或望居憲府有邪戡必彈揮塵後錄載范忠宣公遺表云粵自治平擢爲御史繼逢神考進列諫垣亦足證臺諫之職似同而異

紫微省

唐改內書省爲中書省龍朔元年改曰西臺光宅元年又改曰鳳閣開元元年改曰紫微省中書令曰紫微令中書侍郎曰紫微侍郎中書舍人曰紫微舍人紫微者

取天象之紫微垣也今詞人稱紫薇無所本

綱轄

宋人稱尙書左右丞爲綱轄陸游老學庵筆記張達明雖早歷清顯致位綱轄是也按唐大詔令載廣德二年南郊赦文云尙書省理政所繫左右丞綱轄攸歸此綱轄二字所本左丞爲左轄右丞爲右轄

大坡小坡

宋人稱諫議大夫爲大坡司諫爲小坡程大昌雍錄唐制龍尾道上兩省供奉官立班諫議大夫在給事中上今世通呼諫議爲諫坡蓋坡者含元殿前龍尾道陂陀

而高者也按宋都于汴無龍尾道諫坡之名殆失其實矣

子將

唐大祿十三年口震佛頂事勝陀羅尼幢讚後列子將試殿中監口王斌子將試光祿卿麴宗金石萃編不知子將之稱按通鑑鄭祗德遣子將沈君繼副將張公署望海鎮將李珪將新卒五百擊裘甫注子將小將也

本兵

明代稱兵部尙書爲本兵按宋史職官志惟樞密本兵與中書對掌機密號爲東西二府朱弁曲洧舊聞厚陵

初張康節預政屢請老不許詔三日一至樞密院張曰
本兵之地豈容尸祿養疾遂力求去陳鵠耆舊續聞昭
文相呂申公兼判樞密院宋元憲知維揚作啟賀之有
云惟是本兵別歸謀幄是宋代以西府爲本兵也

南贛巡撫

明史職官志巡撫南贛汀韶等處地方一員宏治十年
始設巡撫正德十一年改提督軍務兼巡撫嘉靖四十
五年定巡撫銜所轄南安贛州南雄韶州汀州并郴州
地方駐贛州按王文成公集有巡撫南贛道行各屬檄
云節該欽奉勅諭江西福建廣東湖廣各布政司地方

交界去處累有盜賊生發因地連各境事無統屬特命
爾前去巡撫江西南安贛州福建汀州漳州廣東南雄
韶州惠州潮州各府及湖廣郴州地方是所轄凡八府
一州爲四布政使司之境恐後來未必有所裁併也又
按集中再請疏通鹽法疏內稱提督南贛汀漳等處軍
務都察院左僉都御史王某云云集中開報征藩功次
賊仗咨內計開一提督領兵官一員欽差提督南贛汀
漳等處軍務都察院右副都御史王不稱兼巡撫也左
僉都御史恐當是右僉都御史

都堂

徐度却埽編唐之政令雖出於中書門下然定於宰相治事之地號曰政事堂猶今之都堂故號令四方其所下書曰堂帖此言未甚諦也攷唐李華撰中書政事堂記云自武德已來嘗於中書省議事謂之政事堂故長孫無忌起復授司空房元齡授左僕射魏徵授太子太保皆知門下省事至高宗光宅元年裴炎自侍中門下省長官除中書令執宰相筆乃移政事堂於中書是光宅以前之政事堂在門下省光宅以後之政事堂在中書省非於三省之外別有一政事堂也蓋唐三省治事之堂皆曰都堂如唐詩有都堂試貢士日慶春雪題此試士為尙書省之事可見尙書門下中書三省之堂同稱都堂也

唐兵馬使

唐肅宗乾元二年九節度之師討安慶緒潰於相州九節度者朔方郭子儀河東李光弼滑澤許叔冀鄭蔡李度琛關內王思禮海西魯炅北庭行營李嗣榮興平李奐凡八節度使其一平盧軍兵馬使董秦非節度使也兵馬使之官職官志不載攷肅宗初卽位於靈武以河西隴右兵馬使周泌彭元暉俱為節度使是兵馬使亞於節度新唐書方鎮表朔方節度兼隴右兵馬使天寶八載

隴右節度副使兼關西兵馬使開元十三年河西諸軍州節

度支度營田督察九姓部落赤水軍兵馬大使副使領

都知河西兵馬使景雲元年是其官職與節度不甚懸也

典史

古之縣有令有丞有簿有尉至明改尉為典史或遂謂典史之官始於明非也元時錄事司有典史明革錄事司而以典史易尉元鄭玉師山文集有送趙典史序

宋殿閣官

觀文

資政觀文資政二殿有大學士又有學士

端明政和四年改名延康

述古政和四年改樞密直學士為述古殿直學士至建炎戊申年復舊名

宣和政和五年置宣和元年改為保和保和殿學士之除止於宣和之末

集賢本名右文殿政和五年改為集賢院除學士洎建殿則易學士為修撰

集英正署修撰

以上殿名

龍圖奉藏太宗御書御集等物

天章奉藏真宗御製

寶文奉藏神宗御書御集

顯謨奉藏神宗御集建中靖國元年改名熙明旋復舊額

徽猷 奉藏哲宗御集

敷文 奉藏徽宗御集

煥章 奉藏高宗御集

華文 奉藏孝宗御集

寶謨 奉藏光宗御集

寶章 奉藏甯宗御集

顯文 奉藏理宗御集

以上閣名

按太祖欽宗度宗無藏集之閣英宗御書附于寶文不專建閣却掃編閣皆置學士直學士待制而龍圖有直

閣凡館職之久次與帥臣監司之有勤勞者皆得之初無班綴其後諸閣皆置直閣始編入雜壓與修撰通謂貼職為之者眾矣方勺泊宅編龍圖閣學士近歲朝廷尤重少曾除授

次對

宋人每稱待制為次對按宋時龍圖等閣皆有待制一官在直閣之下而唐制有百官入閣待制次對之語待制猶言待詔因避武氏則天嫌名故曰制次對者輪次召對待制非官名次對更非官名戴埴鼠璞及雍錄譏之是也

唐禮儀使

金石萃編跋顏氏家廟碑曰魯公本傳云帝崩以為禮儀使代宗以大曆十四年五月辛酉崩十月己酉葬此碑立于建中元年七月距葬後已踰年而結銜尙云充禮儀使殆未解此職也按此誤以禮儀使為國有大喪始置也新舊唐書開元十年以國子司業竇緝為禮儀使以掌五禮云五禮則不止凶禮矣禮儀使并有判官二人寶應元年薛頎歸宗為之又按通鑑開元十一年十一月有禮儀使張說注因郊祀置也

中司

劉荀明本釋正名分者為政之本一條注云中丞原本作中司考劉摯傳元祐初為御史中丞中司應是中丞之誤改正不知宋時通稱御史中丞為中司也宋史職官志馬端臨文獻通考總閣學士直學一門皆云中興後學士率以授中司列曹尙書翰林學士之補外者周密齊東野語自序曾大父扈蹕南來受高宗皇帝特知遍歷三院宋以監察御史殿中御史侍御史御史中丞御史大夫為五院此云三院蓋指監察御史殿中御史侍御史而言竟躋中司呂本中紫微詩話正獻公呂公著也自中司罷後數年起知河陽謝表云三學士之職嘗忝兼榮中執法之司亦蒙直授蓋公嘗為翰林學士兼侍

讀學士寶文閣學士官至侍郎拜中丞銜內不帶權字
 葉紹翁四朝聞見錄何澹為中丞侂冑密諭之曰德謙
 若要節鉞上重違之已草制中丞宜卷班以出又云節
 鉞輕授甚至致仕亦有封駁者有正授而中司卷班以
 出者揮塵前錄跋李森為中司不冑觀望王黼窮鄧之
 綱之獄後錄李端叔之儀弟之純為中司八座終以老
 龍宋人俗稱龍圖閣學士為老龍又云石豫者崇甯初以交通宦寺姓
 名遂達於崇恩繇是至位中司又云建炎中張澂字達明
 為中丞又云御史中丞舒直雖得罪而御史張汝賢楊
 畏先後論和諷有司陷中司罪又云靖康中秦會之自

御史勾祠歸建康次年入為中司金拘北去道山堂清
 話李之純為中司來之邵楊畏虞策為諫官老學庵筆
 記豐相之為中司時猶力薦舒信道邵博聞見後錄客
 問劉貢父曰某人有隱過否中司將鳴鼓而攻之謝伋
 四六談麈辛炳為中司又云周子武祕自中司帥越

宋貼職

王栒燕翼貽謀錄舊貼職止於直祕閣直龍圖右文殿
即集賢政和中改修撰三等政和六年九月增置徽猷顯謨寶

文天章四直閣祕閣修撰集英殿修撰凡九等南渡增
 敷文煥章華文寶謨寶章五閣等級既多遷轉亦易非

舊比也

清波雜志
與此微異

趙昇朝野類要貼職宰執資格者帶
觀文資政端明學士侍從資格者帶諸閣學士以次侍
從帶待制卿監資格者帶修撰直閣京官帶直祕閣四
朝聞見錄呂成公編文鑑既成除公直祕閣陳騏時爲
中書舍人以爲賞太厚成公遂力辭貼職葉夢得避暑
錄話觀文資政二殿皆有大學士觀文稱大觀文資政
稱大資政此何理耶宣和間蔡居安除宣和殿大學士
稱大宣時方重道術騶唱聲于路聽者譌爲大仙人以
爲笑遂改爲大學大學士有三而此獨以大何所別耶
龍圖閣學士舊謂之老龍但稱龍閣宣和以前直學士

直閣同此稱陳亨伯爲發運使以捕方賊功進直學士
佞之者稱爲龍學而顯謨徽猷二閣直學士欲效之難
稱謨學猷學乃易爲閣學閣學士有三亦何所別耶又
按泊宅編朱行中自右文帶假龍出典數郡假龍龍圖
閣待制也舊制直龍圖閣謂之假龍待制謂之小龍直
學士謂之大龍學士謂之老龍

同中書門下三品

唐書中書省門下長官爲中書令門下省長官爲侍中
皆正三品品位既崇不輕授人故常以他官兼宰相職
謂之同中書門下三品謂同中書令侍中也蓋始於貞

觀十七年大祿二年十一月九日改中書令侍中爲從
二品而不聞有以同中書門下二品稱者則以大祿以
後皆稱同中書門下平章事也惟宋初吳廷祚加中書
門下二品以其父諱璋也同中書門下平章事之稱始
於永淳中葉以後但稱平章事而已

唐宋翰林與史官不同

唐宋時翰林爲翰林史官爲史官翰林者昉于開元初
爲供奉繼稱學士後又以資深者爲承旨元和之末韋
處厚則稱講學士後加承旨柳公權則充侍書學士後
守本官右補闕再入院仍充侍書學士路隨亦充侍講學
士後以庫部郎中改右司郎中出院

士後改學士加承旨拜相宋申錫亦充侍講學士後以中書舍人遷尙書右丞出

院餘如高重崔鄴鄭澣許康佐丁公著鄭覃路羣高元
裕王起高少逸鄭朗皆充侍講學士鄭注則充侍讀學
士自會昌後則入院者又皆充學士矣宋則學士外有
曰權直學士院者有曰翰林權直者有曰學士院權直
者各以其官分輕重焉唐之學士無品秩各以它官入
院而遷轉各就其官宋之學士正三品則有品秩是唐
宋翰林亦有不同也至修史則別有史館修撰唐時韋
處厚路隨曾以翰林兼史館修撰以修憲宗實錄命二
人分日入內則仍翰林自翰林史官自史官分而非合

也宋有史館修撰有實錄院修撰有實錄院同修撰有實錄院編修有實錄院檢討此宋之史官也又有秘閣修撰集賢殿修撰右文殿修撰則貼職而非史官又有樞密院編修則爲館職非史官至明而翰林史官始合爲一

宋殿前承旨

劉昌詩蘆浦筆記舊有殿前承旨淳化二年蘇易簡除翰林學士承旨詔改殿前承旨爲三班奉職或曰晉天福五年改攷禹州善才寺觀音院記碑末名有殿前承旨監許州陽翟縣鹽麩商稅董臬錢詹事跋尾云殿前承旨之名不見于史疑卽所謂內殿承旨者視供奉官差貴爾蓋筆記刻出時先師已不及見也碑刻于淳化元年五年記稱二年改者適合非改于石晉也

四川宣撫司

四川有宣撫司自張浚始本稱川陝宣撫司浚以經畧陝西駐軍秦州及富平之敗退屯閬中後浚召還設兩副使王象之輿地紀勝云舊宣撫司率居縣閬之間旋置司河池紹興十四年三月改川陝宣撫司爲四川宣撫司以和議成避金太祖嫌名也司治或移利州或移興元府中間屢廢屢置今攷之如左

張浚 建炎三年除紹興三年召還按建炎三年五月帝次常

州以知樞密院張浚為宣撫處置使以川陝京西

湖南北路隸之聽使便宜黜陟紹興二年十二月

罷仍知樞密院三年五月始解使事

王似 按紹興二年九月以知興元府除川陝宣撫

事時設兩副使同治

司事而不除正使

王似 按紹興四年三月進資政殿

學士除川陝宣撫使人月罷

原亦進端明殿學士與吳玠同為副

盧法原 按紹興四年三月王似既除正使法

原亦進端明殿學士與吳玠同為副

吳玠 紹興四年為川陝宣撫副使置司河池按

王似由副使進除正使乃以盧法原及玠副之

時玠以檢校少保利州路階成鳳州制置使除

趙鼎 紹興四年八月都督川陝荆襄軍務不果

行 按紹興四年八月鼎以知樞密院事充川陝宣

撫處置使未行改命都督川陝荆襄諸軍事

邵溥 按紹興五年三月以都督府參議軍事兼權

命邵溥吳玠裁省四川冗官浮費是溥與玠同充

副使當是盧法原卒以溥代之也溥何年月罷未

詳

吳玠 紹興九年為宣撫使尋卒按紹興九年正

保平靜難軍節度使川陝宣撫副使進特進開府

儀同三司充川陝宣撫使六月卒 又按自四年

八月除趙鼎為宣撫使不果行嗣後四載有餘以

本紀度之亦如王似盧法原故事以兩副使同治

司事至是年

始以玠除使

胡世將 吳玠卒以世將代仍治河池按紹興九年

鄭剛中 十二年和議成移司于利川以剛中為使

十七年罷 按紹興十二年五月以禮部侍郎除川

嫌名改川陝宣撫司為四川

李璆 剛中罷以知成都府李璆為四川制置使

治成都自是不設宣撫司 按紹興十七年七月璆

府權四川宣撫使十八年五月罷

吳璘 三十一年復以璘為宣撫使判興州乾道

三年四月卒 按紹興三十一年五月璘以開府儀

都統制判興州拜四川宣撫司三十二年三月加

少傅孝宗即位八月加少師乾道元年五月加太

汪應辰 璘卒以應辰主管宣撫司事移於利州 按

道三年五月以敷文閣直學士

虞允文 六月以允文為宣撫使五年召還 按乾道

月以知樞密院事改資政殿大學士充四川宣

王炎 允文召以炎代之移治興元府 按乾道五

中大夫參知政事除四川宣撫使七年七月加

虞允文 八年允文再出為使仍治興元 按乾道八

少保武安軍節度使封雍國公再出

鄭聞 淳熙元年允文卒聞代之 按淳熙元年二

學士充四川宣撫使七月以

沈夏 鄭聞召還以夏代之二年夏召還遂罷宣

撫司 按涪熙元年七月以知江陵府資政殿學士

知樞密院事罷

程松 開禧用兵以松為宣撫使吳曦副之曦叛

松遁還 按開禧二年三月以四川制置使兼知成

都府除四川宣撫使十二月吳曦叛松遁

吳曦 按開禧二年三月以太尉興州駐劄御前軍

宣撫副使四月仍知興州未幾又兼陝西河東招

討使十二月叛又按慶元黨禁開禧二年丙寅

楊輔 按開禧三年三月以敷文閣直學士知成都

行在 又按有劉甲者以知興元利東路

安丙 吳曦叛程松遁還安丙為宣撫治利州丙

卒仍省宣撫 按開禧三年三月以端明殿學士中

宣撫副使嘉定二年八月改

安丙 按嘉定十二年四月以崇信軍節度使開府

甯 兼知興元府利州東路安撫使既落知

興元府七月移治利州十三年三月加少保十四

李稹 按嘉熙元年正月以同知樞密院事為四川

簽書樞密院事督

孟珙 按嘉熙四年二月以甯武軍節度使除四川

少保為京湖安撫制置大使夔路策應使又按
琪本傳有進封漢東郡侯兼京湖安撫制置之
文似以四川宣撫兼京湖安撫傳又有四年兼知
江陵府之文竊意當是以四川宣撫改京湖安撫
制置使耳

李會伯

按寶祐二年閏六月以資政殿學士除四川
宣撫使兼京湖制置大使進司夔路五年正
月以資政殿學士改荆湖
南路安撫使兼知潭州

宋宰相領二館職

程大昌續演繁露明道二年集賢平章事張士遜加門
下侍郎昭文館大學士監修國史不知併加二館職何
也按宋史宰輔年表太祖乾德二年正月庚寅趙普以
門下侍郎平章事集賢殿大學士壬寅加監修國史宰

相加二館職實始於此蓋普獨相也真宗天禧四年有
二相則李迪集賢丁謂昭文兼修史仁宗天聖元年二
相則王曾集賢王欽若昭文兼修史三年二相則王曾
昭文兼修史張知白集賢明道二年張士遜與李迪亦
二相故士遜加二館職循故事也

貼麻

齊東野語嘉定初元史彌遠拜右丞相相麻翰林權直
陳晦有昆命元龜使宅百揆之語時倪文節思知福州
即具省乞行貼麻時陳晦已除侍御史遂具奏末云凡
從所陳事理甚明所有已降相麻即不合貼改蓋貼麻

者改貼之謂洪邁容齋三筆陳執中為昭文相夏竦為集賢相御史言向在陝西議論不協不可同寅政地於是貼麻改命以竦為樞密使

碑版結銜

唐宋職官有官階有勳有爵宋制則又有貼職其品不必同後人修史往往傳中多所遺漏惟碑版結銜則無所不備今舉數條于左以諗世之攷官制者

唐王忠嗣碑 大稱

銀青光祿大夫

此為散官亦為階從三品

守中書侍郎

此為職事官正

三品舊書志貞觀令以職事高者為守職事卑者為行

同中書門下平章事

無品秩尚書令侍中中書令宰相之職也左右僕射為尚書令之貳後以太宗嘗為尚書省長官史稱品位既不敢居遂以兩僕射為尚書省長官史稱品位既崇不欲輕以授人常以他官居宰相職或曰參預朝政或曰參議得失參知政事之類而平章事之名起於僕射李靖至永淳元年郭待舉始以黃門侍郎同中書門下事入銜中書侍郎中書令之貳門下侍郎侍中之貳門下省開元元年曾改為黃門省集賢殿崇文館大學士 無品秩例以中書相兼失載會要貞元四年五月李泌辭集賢殿大學士大字崇文館大學士亦準此勅依是舊書志垂拱以後皆宰修國史 亦中書相例兼舊書志貞觀相兼領 事 穎川郡開國公 正二元載

按元載官則正三品階則從三品爵則正二品唐制章服皆從階而官則以宰相為要也不列

勳未詳

金紫光祿大夫

階正三品

門下侍郎

職正三品

同中書門下

平章事太清太微宮使

會要天寶二年三月制在京元元宮改為太清宮東

都改為太微宮

文崇館大學士

中書相例兼

上柱國

勳正二品

齊國

公

爵從一品

王縉

按王縉階與官皆正三品爵從一品勳正二品

階與官同品故不言守

大中大夫

階從四品上

行少府少監

官從四品下階高于官故曰行

賢殿學士

新書志五品以二為學士舊書志初定制以五品以上為學士 趙基

按基有階有官有兼職

宗聖觀記

武德九年二月

給事中

官正五品上

騎都尉

勳從五品上

歐陽詢

侍中

官正三品

柱國

階從二品

江國公

爵從一品

陳叔達

叔達傳武德初授黃門侍郎判納言此云侍中

皇甫者武德 年改納言為侍中也

等慈寺塔記銘

通議大夫

階正四品下

行祕書少監

官從四品上

輕車都尉

勳從四品上

琅邪縣開國子

爵正五品上

顏師古

幽州昭仁寺碑

守諫議大夫

官正五品上

騎都尉

勳從五品上

朱子奢

子奢散官當是

九成宮醴泉銘貞觀六年四月

祕書監官從三品檢校侍中官正三品檢校非正授之官鉅鹿郡公

爵正二品魏徵

兼太子率更令官從四品上勃海男爵從五品歐陽詢

皇甫誕碑

銀青光祿大夫階從三品行太子左庶子官正四品上上柱

國勳從二品黎陽縣開國公爵從一品于志甯

銀青光祿大夫歐陽詢

太宗祭比干文後諸臣銜名貞觀十九年二月

司徒官正一品太子太師官從一品趙國公爵從一品無忌

開府儀同三司階從一品申國公爵從一品士廉

光祿大夫階從二品民部尚書官正三品莒國公爵從一品唐儉

吏部尚書官正三品駙馬都尉從五品下柱國勳從二品安德郡

開國公爵正二品楊師道

中書令官正三品江陵縣開國子爵正五品上岑文本

正議大夫階正四品上守中書令官正三品兼太子左庶子

正四品上馬周

中大夫階從四品下守黃門侍郎官正四品褚遂良

按長孫無忌官司徒三公也官高故不書姓高

士廉太宗紀士廉以尙書右僕射請致仕詔以爲開府儀同三司同中書門下三品平章政事宰相也以階高故亦不書姓其時例也萬年宮銘碑陰題名正如此士廉之同中書門下三品平章政事及遂良之參豫朝政其時猶不以爲官名也文本周遂良亦皆宰相之職與表俱合

晉祠銘碑陰

貞觀二十一年七月

司徒太子太師上柱國

勳正二品

申國公

臣無忌

較祭比干

文題多上柱國餘同

太子太保

官從一品

上柱國公

臣瑀

特進

階正二品

太子詹事

官正三品

兼左衛率

東宮武官正四品上

柱國英國公

臣勣

光祿大夫刑部尙書上柱國鄖國公

臣張亮

禮部尙書上柱國江夏郡王

爵從臣一品

道宗

太常卿

官正三品

駙馬都尉柱國安德郡公

臣楊師道

以吏部尙書貶工部改太常卿品同而班後

正議大夫守中書令太子左庶子兼攝吏部尙書

護軍

勳從臣三品

馬周

按宰相表張亮以貞觀二十年三月誅則蕭瑀以四月罷太子太保此碑之建定在二十年正

月矣開府儀同三司從一品特進正二品爲文
散官之最高者不帶職事官朝參俸祿並同職
事爲文散官之最貴者故不書姓道宗以郡王
禮部尙書而列于刑部尙書張亮之下豈以亮
爲宰相歟

參知政事

宋初趙普獨相九年後設參知政事則普之眷稍衰也
宋史職官志云仍令不押班不知印不升政事堂殿廷
別設專位敕尾署銜降宰相月俸雜給半之卻掃編云
仍令不宣制不知印不升政事堂止令就宣徽使廳上

事殿廷別設塼位于宰相後敕尾署銜降宰相數事是
說部所載詳于正史也却掃編又云開寶六年詔於都
堂同議政文獻通考謂至道元年詔宰相與參政輪班
知印同升政事堂二年詔復如舊制下注云押齊銜行
並馬自寇準始按萊公參預在淳化五年九月至道改
元之前一年也

員外

唐中宗神龍二年三月大置員外官自京諸司及諸州
佐凡二千餘人超授闈官七品以上及員外者千餘人
如節愍太子授衛尉員外少卿孝明時葉法善鴻臚卿

員外乙速孤行儼右武衛將軍員外置同正員是也此皆由墨制濫賞也若謫官則皆屬員外偶舉一二如左散騎常侍譙王重福貶濮州員外刺史不知州事顏魯公貶峽州員外別駕柳子厚爲永州司馬員外置同正員李德裕崖州司戶參軍員外置同正員第五騎爲忠州長史員外置同正員李吉甫出爲明州員外長史之類是也唐大詔令廣德元年尊號赦文云員外及攝試官不得釐務釐務者治事也蓋唐制如此

制科三等

却掃編舊制進士第二人以上及第一人一任回並召試

館職制科第三等人一任回亦然仍並升通判資序然

則制科第三等竟視進士科之三魁是以東坡除西掖

以古槐簡贈王嶠升之題云此策曾奉制策入三等蓋

所謂久虛之等也

見鄭俠西塘集及耆舊續聞

召見貢士

歐陽文忠公作蔡齊行狀云凡貢士當賜第者攷定必有其高第數人並見又參擇其才質可者然後賜第及公召見衣冠偉然廷對有法天子以爲無能出其右者乃擢爲第一此卽今殿試前十卷先期引見之所由昉也但今引見時名次已定耳

房考

吳自牧夢梁錄卷子納入考試官各房考校如卷子考中發過別房覆考如稱衆意方呈主文

獨對同對

唐時次對之官入見則獨坐若宰相則皆同入對見於通鑑宣宗紀猶今時遞膳牌 召見則一人獨對軍機大臣每日入 見則同對也

狀元

養新錄謂周益公省齋文集有回第二人葉狀元適啟回第三人李狀元寅仲啟魏鶴山集有回蔡狀元仲龍

啟中云擢亞倫魁回趙狀元發三啟中云名列魁三又鄭瑤方仁榮新定續志淳安縣有狀元坊一在儒學爲淳祐丁未邑人黃蛻大對第二建是第二三人皆可稱狀元也按此似宋時流俗相沿尊敬之稱如三館皆稱學士西班多稱太尉之比夢梁錄云第一名狀元及第二名榜眼及第第三名探花及第又唐僖宗尤善擊毬嘗謂優人石野猪曰朕若應擊毬進士舉須爲狀元可見狀元爲第一人唐時已然明史選舉志一甲止三人曰狀元榜眼探花

進士分甲

王闢之澠水燕談雍熙中著作佐郎樂史特賜進士第
詔附太平興國五年第一等之下按是時稱等而不稱
甲進士之分甲始於太平興國八年王世則榜

宋徽宗停省試

宋徽宗大觀三年至宣和六年凡五科罷諸州發解併
省試並從學校逐年貢士文獻通考於此五科祇載上
舍魁而無省元

唐宋青苗錢不同

舊唐書代宗紀廣德二年五月丙辰稅青苗地錢使此
名殿中侍御史韋光裔諸道稅地回是歲得錢四百九

十萬貫自乾元已來天下用兵百官俸錢折乃議於天
下地畝青苗上量配稅錢命御史府差使徵之以充百
官俸料每年據數均給之以為常式新唐書食貨志以
國用急不及秋方苗青即征之號青苗錢又有地頭錢
每畝二十通名為青苗錢志又云大祿元年斂天下青
苗得錢四百九十萬緡輸大盈庫此唐之青苗錢也舊
書敬宗紀即位大赦天下京畿夏青苗錢並放秋青苗
錢每畝放二百文是青苗錢又有夏秋之別唐大詔令
元和改元赦京畿諸縣今年青苗錢及權酒錢並宜放
免又開成改元赦同州河中絳州去年旱歉賦稅不登

宜放開成元年夏青苗錢此青苗錢有時而放免也放免
猶今之若宋之青苗錢與唐不同蓋初本惠民之政治
至熙甯之時遂爲害民虐政西塘集有上王荆公書言
之最詳其略曰青苗之浚本以民之窮乏嘗以新陳之
際每倍其息以貸於人故爲出常平錢以貸之而只取
二分之息以抑兼并而蘇貧乏莫善於此然民之闕乏
而借貸於人者天下固嘗半矣而稍稍溫燠能儉克勤
苦以自足而無所取貸於人者亦嘗半貪暴之吏急於
散而取賞則曰某縣民若干散必若干某縣爲民若干
散至若干不然者劾奏亟於承命以求知信於其上又
巧以強與若某鄉某里某人不請則旬月之下必有他
禍甚且不可解及其催納之際亦莫不然則盡一州一
縣之民無有不請青苗錢者至於收成之際又不稍緩
其期穀米未乾促之已急賤糶於市曩之利十今不售
其五六質錢於坊郭則不典而解其甚者至其無衣褐
而典解是法所以蘇貧乏而反困之抑兼并而反助之
矣

節名

元宗八月五日千秋節

揮塵錄天寶七載八月
己亥詔改爲天長節

肅宗九月三日地平天成節

代宗十月十三日天興節洪邁容齋隨筆代德順三宗皆不置節名微誤

德宗四月十九日新唐書禮樂志云不置節名

順宗正月十二日聖壽節唐會要云不置節名按順宗即位僅數月會要當必有據

憲宗二月十四日以下三帝皆不置節名

穆宗七月六日

敬宗六月九日

文宗十月十日慶成節

武宗六月十一日慶陽節揮塵錄舊唐書紀皆作十二日

宣宗六月二十二日壽昌節

懿宗十一月十四日延慶節揮塵錄作十月二日誤

僖宗五月八日應天節揮塵錄作八月五日誤

昭宗三月二十二日嘉會節揮塵錄作二月誤

哀宗九月三日乾和節揮塵錄作十月誤又作延和節

唐

太祖十月二十一日大明節

末帝九月九日應聖節

梁

莊宗萬壽節不知月日

明帝九月九日應聖節

末帝正月二十三日千春節

後唐

高祖二月二十八日天和節

少帝六月廿七日啟聖節

晉

高祖二月四日聖壽節

隱帝三月七日喜慶節

漢

太祖七月二十八日永壽節

世宗九月二十四日天清節

恭帝八月四日天壽節

周

太祖二月十六日長春節

太宗十月十七日乾明節

真宗十二月二日承天節

仁宗四月十四日乾元節

英宗正月三日壽聖節

神宗四月十日同天節

哲宗十二月八日興龍節

中

又以正月四日登位之日為開基節天咸二年生夾馬營

海及揮塵錄皆作十月七日

宋史本紀作十月十七日凡再見天福四年生浚儀官舍

乾德五年生開封府第

大中祥符三年生

明道元年生宣平坊第

慶祿八年生濮王宅

揮塵錄十二月七日避僖祖忌辰用次日熙寧九年生宮

徽宗十月十日天甯節周密癸辛雜識後集徽宗以元豐五年五月五日生宮中以俗

忌改十月十日為天甯節

欽宗四月十三日乾龍節本紀獨失載揮塵錄帝元符三年生於宮中坤甯殿

高宗五月二十一日天申節帝以建炎元年五月庚寅朔即位癸卯天申節罷百

官上壽按朔是庚寅則癸卯乃十四日帝以大觀元年乙巳生宮中是月丙戌朔則乙巳是二十日不知何日為是

孝宗十月二十二日會慶節

光宗九月四日重明節

甯宗十月十九日瑞慶節

理宗正月五日天基節

度宗四月九日乾會節

少帝九月二十八日天瑞節

章獻明肅劉后正月八日長甯節仁宗母

宣仁聖烈高后七月十六日坤成節

壽明楊后五月十六日壽慶節

宋

太祖本紀洪武十三年九月乙巳天壽節始受羣臣朝賀是明太祖誕日亦嘗立節名也

明

又考舊唐書武帝紀立降聖節二月十五日元元皇帝降生

明宗天成元年立先天節七月一日聖祖

宋真宗立天慶節景德五年正月三日

天禎節大中祥符元年四月一日後改天祺

天貺節大中祥符三年六月六日

降聖節大中祥符五年十月二十四日舊聖祖降延恩殿

徽宗立天應節十一月五日

甯貺節五月十日

真元節二月十五日

元成節八月十八日

天符節十月廿五日

唐宣宗為僧

同年許宗彥謂廣芸曰唐宣宗曾為僧見於佛果園悟禪師碧巖集觀武宗之毀撤招提蘭若勒僧歸俗宣宗即位後反之事或然也余心識之向古剎借得碧巖集閱之中有鹽官會中請作書記一語因又檢嘉興府志引唐遺事云宣宗為光王時避武宗害薙髮為沙門更名瓊俊由鹽官安國師所掌書記來隱嘉興之爽溪但新舊唐書本紀無一語及之未足徵信頃讀司馬光資治通鑑考異曰尉遲偓中朝故事曰敬文武三宗相次即位光王皆叔父也武宗初登極深忌焉一日會鞠於

禁苑間武宗召上遙觀瞬目於中官仇士良士良躍馬向前曰適有旨王可下馬士良命中官輿出軍中奏云落馬已不救矣尋請爲僧游行江表閩會昌末中人請還京遂卽位今不取然則司馬文正公之不取者以不見於實錄正史耳舊唐書宣宗本紀論史臣曰臣嘗聞黎老言大中故事獻文皇帝器識深遠久歷艱難備知民間疾苦此論稱臣本於唐之史官顯然有微詞不然王居十六宅中何云久歷艱難備知民間疾苦耶今錄碧巖集一則於左云大中天子者續咸通傳中載唐憲宗有二子一曰穆宗一曰宣宗宣宗乃大中也年十三

少而敏黠常愛跣趺坐穆宗在位時因早朝罷大中乃戲登龍牀作揖羣臣勢大臣見而謂之心風乃奏穆宗穆宗見而撫歎曰我弟乃我宗英胄也穆宗於長慶四年晏駕有三子曰敬宗文宗武宗敬宗繼父位二年內臣謀易之文宗繼位一十四年武宗卽位常喚大中作癡奴一日武宗恨大中昔日戲登父位遂打殺後苑中以不潔灌而復甦遂潛遁在香巖閑和尚會下後剃度爲沙彌未受具戒後與志閑遊方到廬山因志閑題瀑布詩云穿雲透石不辭勞地遠方知出處高閑吟此兩句仁思久之欲釣他語脈看如何大中續云溪澗豈

能留得住終歸大海作波濤閑方知不是尋常人乃默而識之後到鹽官會中請大中作書記黃檗在彼作首座檗一日禮佛次大中見而問曰不着佛求不着法求不着眾求禮拜當何所求檗云不着佛求不着法求不着眾求常禮如是大中云用禮何爲檗便掌大中云太龕生檗又掌大中後繼國位賜黃檗爲龕行沙門裴相國在朝後奏賜斷際禪師雪竇知他血脈出處使用得巧如今還有弄爪牙底麼便打又按孫光憲北夢瑣言武宗嗣位宣宗居皇叔之行密遊方外或止江南名山多識高道僧人陸游避暑漫抄宣宗微時以武宗忌之

遁跡爲僧由此觀之是宋時猶傳此說也

錢文上年號

老學庵筆記謂太平興國以後乃以年號爲錢文此放翁但言宋制耳唐書高宗紀乾封二年四月改鑄乾封泉寶錢唐大詔令載乾封二年五月詔云年月旣深僞濫斯起所以采乾封之號改鑄新錢靜而思之將爲未可又乾元元年七月勅云聽於諸監別鑄一當十錢其文曰乾元重寶其開元通寶者亦依舊行用是唐高肅宗皆曾以年號鑄錢矣又按洪遵泉志有宋武帝孝建錢此爲權輿但二字耳

客位

蘇文忠公始仕爲鳳翔僉書判官廳公事有客位假寐詩自注云因謁鳳翔府守陳公弼按却掃編舊制輔臣典藩監司客位下馬就廳上馬夢梁錄正衙外左首曰東廳東廳右首曰客位揮塵前錄舊制監司雖官甚卑遇前執政宰藩亦肩輿升廳事宣和初崔肇明自兩地出守淮南有轉運判官年少新進輕脫之甚肇明每不堪之到官未幾肇明還舊廳因與首台蔡元長語及之元長大不平翌日降旨諸路監司遇前執政帥守處卽入客位通謁宋時客位卽今之官廳屬官謁上司皆先

至此候進退也張世南游宦紀聞朱文公晚年居考亭便於野服有客位榜云云此恐只是門塾爾客位亦曰客次老學庵筆記謁丞相雖三公亦入客次又云太守客次有服金帶者數十人皆朱劬家奴四朝聞見錄倉司章燮榜客次云王煎鹽不許相見

律召調陽

錢易南部新書云智永禪師從七十至八十寫真草千字文八百本俱是律召調陽此其真本也按譌召作呂似始於夢英真篆二體本吳坵五總志謂徐常侍最號博古亦誤爲呂字徐鼎臣與夢英正同時人也今傳褚

河南臨本作呂恐爲人所改

瀧岡阡表劍字

姚寬西溪叢話歐公父墓表云回顧乳者劍汝於其旁按禮記曲禮曰負劍辟咎詔之注云負置之於背劍謂挾之於旁此卽瀧岡阡表所出容齋隨筆今廬陵石刻猶存衢州所刊六一集已得其真或者不曉遂易劍爲抱良可歎也按此碑今尙存

代當爲世

今人稱高曾祖父爲四代曾大父大父爲三代祖父爲二代又如衍聖公爲孔子幾十幾代孫之等皆非也當稱四世三世二世幾十幾世禮記大傳四世而總服之窮也五世袒免殺同姓也六世親屬極矣管子君人之主兄弟三世則昭穆同祖十世則爲祏是其證矣蓋唐人諱世爲代宋以後人習焉不察遂沿用至今古人稱一朝則云一代如論語周監於二代左氏傳三代之哲王皆數百年保天之祿是也漢書引論語周監於二世或偶改其字耳

稅契

稅契始於東晉隋書食貨志云晉自過江凡貨賣奴婢馬牛田宅有文券率錢一萬輸佑四百入官賣者三買

者一

賜爵

西漢賜爵丞相則列侯御史大夫則關內侯見宣帝地節三年四月

月又元帝初中二千石見武帝元狩元年四月宣帝地節三年四月

元二年四月諸侯相則右庶長中郎宣帝元康六年正月六百石元帝永光元年三月

二年二月平帝列侯嗣子宣帝五鳳元年正月宗室有

元始四年二月屬籍者元始四年二月則五大夫當時限制如此若宣帝本始

元年五月賜二千石爵左更此加優非故事惟官御史

大夫下即中二千石而爵則關內侯至右庶長隔七級

不知何故

放生

列子說符篇邯鄲之民以正月之旦獻鳩於簡子簡子

大悅厚賞之客問其故曰正旦放生示有恩也然則放

生自春秋時已有之

秦焚書始於孝公

韓非子和氏篇商君教秦孝公以連什伍設告坐之過

燔詩書而明法令是秦燔書不待始皇也

九宮

九宮見易乾鑿度說者謂虛犧之八卦陰陽家謂之九

宮鄭康成注太一者北辰之神名居其所曰太一常行

於八卦日辰之間曰天一或曰太一出入所游息於紫宮之內外其星因以爲名焉故星經云天一太一主氣之神行猶待也四正四維以八卦神所居故亦名之曰宮天一下行猶天子出巡狩省方岳之事每率則復太一下行八卦之宮每四乃還於中央中央者北神之所居故因謂之九宮天數大分以陽出以陰入陽起於子陰起於午是以太一下九宮經坎宮始坎中男始亦言無適也自此而從於坤宮坤母也又自此而從震宮震長男也又自此而從巽宮巽長女也所行者半矣還息於中央之宮既又自此而從乾宮乾父也又自此而從

兌宮兌少女也又自此從於艮宮艮少男也又自此從於離宮離中女也行則周矣上游息於太一天一之宮而反於紫宮行從坎宮始終於離宮數自太一行之坎爲名耳出從中男入從中女亦因陰陽男女之偶爲終始之從自坎宮必先之坤者母於子養之勤勞者次之震又之巽母從異姓來此其所以敬爲生者從息中而復之乾者父於子教之而已於事逸也次之兌又之艮父或老順其心所愛以爲長育多少大小之行已亦爲施此數者合十五言有法也考唐會要明皇帝時術士蘇嘉慶上言請於京東朝日壇東置九宮貴神壇壇三

成成三尺四階其上依位置九壇壇尺五寸東南曰招
搖東曰軒轅東北曰太陰南曰天一中央曰天符北曰
太乙西南曰攝提西曰咸池西北曰青龍五爲中戴九
履一左三右七二四爲上六八爲下符於遁甲四孟月
祭禮次昊天上帝而在太清宮太廟上帝親祀之如有
司行事卽定宰相爲之肅宗乾元三年正月又親祀之
神九宮神位四時改位呼爲飛位乾元之後不易位唐
大詔令有天寶三載十二月親祭九宮壇敕又有親祭
九宮壇大赦天下敕又按乾鑿度注引黃帝九宮經云
一宮其神太一其星天蓬其卦坎其行水其方白二宮
其神攝提其星天內其卦坤其行土其方黑三宮其神
軒轅其星天衝其卦震其行木其方碧四宮其神招搖
其星天輔其卦巽其行木其方綠五宮其神天符其星
天禽其卦離其行土其方黃六宮其神青龍其星天心
其卦乾其行金其方白七宮其神咸池其星天柱其卦
兌其行金其方赤八宮其神太陰其星天任其卦艮其
行土其方白九宮其神天一其星天英其卦離其行火
其方紫堪輿家用之其天蓬等星名又見素問

